



南宋雜事詩卷六

錢唐厲鶚天鴻

野店新興駐六軍開基節建兆初聞試聽一夜臨安雨

便是天邊華蓋雲

清波雜志高宗自相州渡河初程宿頓問地名以新興店對幕府進言
宋室中興其命維新又建炎初符瑞如冰泮復凝紅光如火雲覆華蓋
其類不一 揮塵前錄政和二年南京鴻慶宮道士孟若蒙進言本宮
每遇正月初四日為椒業之日修設齋醮乞置節名開基以永崇奉詔
從其請紹興中若蒙又以前績自陳仰惟太上皇帝中興再造復在南
都宮偶然被 揮塵餘話車駕初至臨安府霖雨不止葉夢得等言州
治屋宇不多六宮居必隘窄聖訓曰亦不覺窄但卑隘爾然自過江百
官六軍皆失所朕何敢求安 三朝北盟會編紹興二年遷臨安府於

寺基

麗正門開散瑞烟六更纔罷雁行聯別拋柘彈驅鴉地
高綴金鈴放鴿天

南宋雜事詩卷六

鼠璞行在南內門名麗正蓋取重離麗正之義 豹隱記談楊誠齋詩
天上歸來有六更蓋內樓五更柳故交作謂之蝦蟆更禁門方開百官
隨入所謂六更也 四朝聞見錄紹興初高宗建行闕於鳳山之中林
木蔚如鴉以千萬噪鳴聒天高宗在汴無山未嘗聞此至則大駭命內
臣張去為領修內司諸兒聚彈射而驅之臨平赤崖間未幾復如初
又云東南之俗以養鴉鴿為樂內侍畜之尤甚寓金鈴於腰風力振鈴
聲如雲 間之珮

景靈恭謝駕初回帽插宮花繡作堆除目傳宣休覆奏
昨宵齋殿降恩來

隨隱漫錄景靈恭謝駕回宰相以下皆簪花 學詩初集觀景靈宮恭
謝詩云不比常朝添覆奏報來除目十餘家自注常朝除目覆奏而後
出劉惟濟宮免 案景靈宮在
錢唐門內北即今演武場地

渡江以後說繁華非復陰梅處士家堤上風開及第柳
山中春到狀元花

藏拙餘藁春日湖上詩飛鴉鳴鑼鼓吹喧繁華應勝渡江前吟梅處士
今還在肯住孤山爾許年 雪巖陰卷湖上春晴詩楊柳也如新及第

向人爭舞綠羅衣
或瀉臨安志徐清斐淨明院
利門製詩衝棟細書
梅信息枝頭喜見狀元花

貌取湖山玉色愉蕭郎絕筆院中無調鉛殺粉經營極

勅寫天家瑞應圖

清客居士集蕭照江山圖詩蕭郎解作湖山圖上皇一見
玉色愉 清河書畫舫蕭照中興瑞應圖前後凡六卷

進御糜丸妙手供旨教小米揚雙龍輕煤第一黃山產

赦卻蒼蒼九里松

老學菴筆記紹興間復古服供御墨新安戴彥衡所造自禁中降出雙
角龍文或云米友仁侍郎所畫也中官欲於苑中作墨竈取西湖九里
松作煤彥衡力持不可曰松當
用黃山所產此平地松豈可用

柳色青青食已寒香車菜市客爭看紅亭醋庫橋東住

心似桃花一樣酸

武林舊事清明前三日婦人淚妝素衣提攜兒女若玉津富景御園包
家山之桃關東青門之菜市尼庵道院尋芳詩勝極義城遊 咸道臨

南宋雜事詩卷六

安志紅亭醋庫在菜
市橋東街南面北

祕省蓬巒儼帝居風籤萬軸獻來初墻西措大窮寒甚

只讀江東陸氏書

中興館閣錄說書省蓬巒碑起居舍人木待問書 揮塵前錄太上南
渡詔獻書籍官者凡數人秦熺提舉祕書省奏請命天下專委守臣又
有旨錄合登陸氏所藏書上之今中祕所藏之書亦良備矣 表堅志
乾道初內侍陳源居在祕書省東連牆起樓樓下築臺每宴客張樂必
於其處 獻書警之曰宅西正是三館職多窮寒措
大羨人 心常以弗堪或能害我是後遂不復至

東閣芬香綺羅雲頭香法本宣和如何張趙爲官日

阜茨肌服用不多

齊東野語宣和時常造香於齋思東閣有渡後如其法製之所謂東閣
雲頭香也 老學菴筆記高宗在徽宗服中用白木椅子錢大主人觀見
之曰此檀香椅子耶張婕妤掩口笑曰禁中用胭脂阜茨多
相公已有語更敢用檀香作椅子耶時趙鼎張浚作相也

尊爲隆祐過江年黑竹輿中后諭傳一自苗劉多事後

都人總戴孟家蟬

揮塵後錄昭慈孟后紹聖三年以使命為禳禱之法詔徙處宮思陵中興尊為隆祐太后孟后祖名元易元為隆字又云苗劉兵殺內侍齊制上為內禪之事太后乘黑竹輿宜諭以上仁孝曉夕思念二聖欲復辭雪恥太尉等皆名家不須如此可談孟后衣服畫作雙蟬目為孟家蟬識者謂蟬有禪意久之竟廢白石集觀燈口號遊人總戴孟家蟬爭託星毬萬眼圓闔裏傳呼大官去後車多少盡蟬娟

築毬吹笛其流離中瓦鈎闌又此時檀板一聲雙淚落
無人知是李師師

汴都平康記政和間汴都平康之盛而李師師崔念月二妓名著一時李生門第尤峻靖東中李生與同輩趙元奴及築毬吹笛袁絢武震輩例借其家李生流落來浙中士大夫猶邀之以聽其歌然憔悴無復向來之態矣白獺隨中瓦前媚瓦李博士案中瓦通後市街

硬雨分明似李梅無端太學瓦皆推儒官諱道天飛雹
祭酒應為捕酒來

軒渠錄紹興十七年五月臨安大雨雹太學屋瓦皆碎儒官中朝廷不可言雹稱映雨清波雜志紹興間張扶少持改國子祭酒時祭酒虛

南宋雜事詩卷六

三

箇亦久前朝接呼赴監供職學前居
尺鴛裙曰官來捕私酒傳以為笑

錦標裝池數榷場百花樓閣五文章鴛衾官庫留遺物
隱約風懷記蜀王

輟耕錄高宗渡江後榷場購求為多錦標如克絲作樓閣百花攢龍五色筆文之類又云孟蜀上一錦被一按織成被頭作二穴如雲服樣此之謂鴛衾也楊元誠太史言兒時聞尊入樞密公於宋官庫親見之

沈家丞相起書樓滿地香雲五體投猶勝申王格天閣
十眉環侍淪茶甌

三柳軒雜識沈丞相該為樓貯書時禮佛其上人謂之五體投地之樓以對秦檜一德格天之閣清波雜志朱伯箕為秦伯和侍郎壽詞成秦茶甌試論更良夜沉沉細酌

籠袖嬌饒懶不勝琵琶槽面撥輕冰趙家小景佳山水
畫上春衣雪色綾

太平清話錢唐米行都男友尙嫺嫺號龍神驕民 畫繼紹興
間一時歸人服飾及琵琶等而所作小景山水實得於趙士遺

傾國名花一首詩御前草聖墨淋漓芙蓉玉貌描添綵

休遣君王怒淨師

游名山記阜亭山廣嚴院僧淨師紹興初被召作草首書名花傾國兩
相歡宋主不悅賜罷 子素集高宗三劉妃圖詩秋風落盡故宮槐
上芙蓉竝帶開留得君王不歸去鳳凰山下起樓臺 繪事備考尙
衣夫人劉氏書用奉華堂印有宮衣添綵圖枚下圖補衣圖宮綉圖

小雨春寒白晝長杏花紅遍錦繡廊熏爐巧樣姜娘子

細炙龍涎幾品香

居易錄南宋姜娘子善鑄銅器 佩楚軒客談浩然齋有古龍
涎香自復古唐思東閣瓊英勝古清觀清燕閣古以下凡數品

東朝鑾馭湖方歸南面方知樂事稀可惜岳將軍不見

深宮只著道家衣

二老堂雜記紹興十二年太母還宮上曰朕自東朝之歸方知南面之
樂中書舍人程放厚行太后姪女韋氏于娘封郡夫人制全用上語

南宋雜事詩卷六

四

七修類稿草太后北歸至臨平因問何不見大小眼將軍耶
人曰岳飛死獄矣遂怒前欲出家故終身在宮中道眼也

花市爭先競買栽朱門尤貴看新梅錢唐湖上春風蚤

九月疎花對菊開

石湖梅譜錢唐湖上早梅花子嘗重陽日親折之有橫枝對菊開之
句行都賣花者爭先為奇貨浴室熏蒸令拆強名蚤梅終瑣碎無香

硯童侍立太師窗夙構佳文未易降貢院無煩戴羞帽

紫綾冊裏士無雙

朝野遺紀程敦厚子山為中舍時秦檜善之一日呼入內閣坐候終日
獨案上有紫綾一冊書聖人以日星為紀賦末有類貢進士學生秦
項景文采觀麗子山兀坐靜觀幾成誦及晚竟不出乃退子山回測也
及數日差知貢舉乃大悟以此命題乃孫果首選 老學菴筆記秦太
師第中窗上下及中一眼方作眼餘作疎櫺謂之太師窗 夢梁錄
知貢舉主文官皆戴羞帽乘馭赴觀橋貢院 三朝北盟會編檜小奴
硯童如

與兒

方響敲殘事可驚玉堂天子出青城傷心祭了紅鸚鵡

無復重呼萬歲聲

外史徽宗是玉堂天子不聽玉皇說法請降人間 楓窗小牘高宗在建康有大赤鸚鵡自江北來集行在承慶上呼萬歲况有小金牌有宜和二字因以索架置之其上膳草草無樂鸚鵡大呼下尚樂起方響久之曰下娘子不敬萬歲蓋道呂時掌樂宮人以方響引樂者故猶以舊格相呼高宗為罷啼泣下後此鳥持至臨安忽死高宗親為文祭之云金距絳囊何意朱紫乘軒駭散纏羅鬪死不遠長江來自汴水匪餓則附曰忠自失謝躡雲端投身禁裏每呼舊人以勵近侍禽言若斯鳥官誰似云胡委羽歸魂鴉尾借號有鳥來朝無難漸首為儀感仍輝紀

東青門外九宮壇歲歲明禋走從官記取石湖齋宿句窗風隙月不勝寒

徐一夔宋行宮考九宮貴禋壇在東青門外一里 石湖集次韻尹少櫻寮院九宮壇齋宿詩草草馳二里蕭蕭共一餐吏方綿禮嚴公自將詩壇隙月窺琳近窗風到坐寒鴉鳴未忍散端為合并難 方輿勝覽九宮貴神太乙禱建齋殿招搖天符青龍感池太陰天一

說史堪嘲王與之舌端今古盡傳疑一時烟粉偏忺聽

南宋雜事詩卷六

五

鐵騎兒兼銀字兒

白翎驃行都紹興間有三市井人好談今古謂戚彥奕屠尹昌也彥乃皇城司決行屠乃市肉昌乃傭書有無名人賦詩曰戚彥奕屠尹彥時三人共坐說兵機欲問此書出何典昔時曾看王與之與之乃說書史人 都城紀勝說話有回家銀字兒謂烟粉靈怪傳奇鐵騎兒謂士馬之車

尚食遙供泛索井繡紅巾上合衣擎餛飩不熟伶官進棘寺應推丙甲生

夢梁錄大內進膳有紫衣捲脚候頭者謂之院子家托一合用黃繡龍合衣籠罩左手攜一條紅羅繡手巾進人若非時取喚召曰洗索 霏雪錄宋高宗時襄人淪餛飩不熟下大理寺優人扮兩士人相貌各問其年一曰甲子生一曰丙子生優人告曰此二人皆合下大理高宗問故優人曰餛飩子餅子皆生與餛飩不熟者同罪耳上大笑赦原襄人

蠻王獅子綴來齊九日花饅最可題狎客陳詞天一笑

孟嘉陶令一身泥

武林舊事九日菊酒爲蟹王獅子於上
詞苑叢談康伯可附會秦檜
求進爲十客中之狎客專應制爲歌詞重
九遇雨奉敕口占望江南云
宋黃胖菊蕊溼滋落帽孟嘉尋籜笠
休官陶令覓蓑衣兩個一身泥上大笑

春來湖上兩高峯
滴粉搓酥夢裏逢
修態橫生花誥筆

此詞應是爲張穠

詞綜王仲言云天台左譽與言策名之後錢唐幕府樂籍有名姝張雲
女名樓色蕊妙天下君顏韻之如帷雲翦水瀟粉搓酥皆爲樓作後體
委身立勳大將家易姓章疏封大國紹興中覓官行賜訪西湖雨山間
忽逢車輿甚盛中觀一麗人雲簾顧君而嚶曰如君把菱花照納恐
眉逢是夢中君醒然悟入即拂衣東渡一意空門 清波雜志嘗得一
語詞云狀春禮勳臣賦極異姓王之貴疏恩私室并修如夫人之榮以
兩修態橫生男性和適云云紹興間權外制某人行 三朝北盟
會編張俊委張樓錢唐名妓也知書嘗代俊文字封榮國夫人

和議初成返使車
御容收得向龍沙
白龜池屋秋風冷
手著叢書記禁花

兩浙名賢錄朱弁字少章婺源人高宗遣使問安兩宮爲通問使十二
年和議成始得歸獻金國所得六朝御容及宣和御書所述北方事狀

南宋雜事詩卷六

六

秦檜丑之僅轉奉議郎朱幾以疾卒於臨安府白龜池之寓舍 朱弁
曲洧舊聞不香始禁中有數架花時民間得之相贈遺今則盛矣 夢
梁錄白龜池在錢
唐門裏沿城南

清修尼寺靜焚香
傳是中宮賜寶坊
還有藕花洲畔友
翠深不礙宿鴛鴦

咸道臨安志清修尼寺在崇新門外右軍案前紹興間顯肅皇后建仍
賜額 又云臨平山下有藕花洲卽鼎湖也 夢窗丁棗題藕花洲尼
扇詞翠深不礙鴛鴦
宿采菱誰記當時曲

汝藝古觥祕深宮
修內司窰範更工
提舉昨朝新進入
青花不與外間同

梧溪集有宋高皇帝壽成殿汝藝觥引 輟耕錄南波郡成音提
梁於修內司造青器名內窰模範極精 油色瑩徹爲世所珍

閒看鷗飛下小池
影妻倚妾況淒其
服膺齋裏諸先輩
魁輔何由刻上碑

鶴林玉露太學溫道齋前有小池忽一鵝飛下容與甚久一同舍生詩云昨夜雨餘春水滿白鷗飛下立多時 清波雜誌紹興十三年再翼太學呂榮義爲上庠錄投進倡和詩有影妻椅妾語 林下偶談 陳自強本太學服膺齋生旣當國齋中爲立碑刻魁輔二大字

南遷事事仿東都曾述江西詩派圖涑匠纔成山谷褐
臨安猶見典型無

竹坡詩話呂舍人有江西宗派圖自是雲門臨濟始分矣 揮塵後錄舊見黃太史所服絕勝時在臨安呼匠染之始就名曰山谷褐

玉練槌香破鼻聞 薔薇露滑大瓢分御前漫賜黃封醞
不及秦家有表勲

武林舊事諸色酒名薔薇露御庫 玉練槌祠祭 酒小史秦檜表勲

繫書錢要十分豐 閱書牆惱至公謝石空誇能拆字
可憐身在討論中

容齋隨筆紹興初范覺民爲相以崇寧來擬立法度例有泛賞建議討論行下吏部追奪雖公論當然而失職者浮議蜂起無名子改坡語云

南宋雜事詩卷六

七

清要無因選舉艱辛繫書錢須要十分又云不如歸去作個閒人免一回來一回討一回論大書貼於牆上邏者以聞朝議罷討論之舉 二老堂雜誌謝石善拆字徽宗特補承信郎後因范覺民作相討論追奪邵溥尚書第三子謂石我亦能拆字語之則曰爾姓謝所謂身在討論之中名石則終身右選不能出頭也聞者大笑 夷堅志謝石紹興八年來臨安

層閣森沉白日閒 敷文譏語豈難刪 虎兒學士空供職
憶否揮豪進楚山

魏郊錄紹興十年五月十一日內降詔曰恭惟徽宗皇帝宸章奎畫著在簡編崇建層閣以嚴寶藏恭以敷文爲名按典故凡建閣降詔必著閣之所以名如煥章建閣酒醴十五年詔曰載稽帝世之隆無越堯章之煥還考敷文則隱其義而無其辭及考雲麓漫鈔曰徽宗書閣曰敷文取誕敷文德於兩階七句而有苗格以寓譏諷是時秦檜當國其無君之心不可不誅焉 畫繼米元章使殿賜對因上友仁楚山清曠圖友仁宣和中爲大名尹被遇光堯官至工部侍郎敷文閣學士 案天章敷文諸閣皆在大內

東西馬海散如雲 出格驍騎空一羣 欲使廣南高薊北
詔將牽付殿前軍

名馬記紹興七年五月廣右進出格馬十匹上留共一餘付殿前司曰
馬之良者不必西北 夢梁錄吳越王牧馬於錢唐門外東西馬廄其
馬蕃息號爲馬海 又云殿前司在鳳
凰山八幡嶺有御書閣凝香堂整暇堂

侯門歌舞出都城無奈更衣訴此情但向小屏啼絳蠟
輸他三傑蚤知名

夷堅志觀察使張淵紹興中以高價往都城買美妾二十人而削之甚
嚴小過必撻嘗延客環侍歌舞中席調起更衣坐客葉海叔之側一姝
最麗乘間語之曰恐人在太尉左右想大有樂處妹慘容不語指筵上
燭云絳蠟分明會得 齊東野語范石湖云朝士中妓麗有三傑謂韓
元咍晁伯谷家姬及趙彥博家姬小瓊也 近體樂府贈趙富文家
姬小瓊詞見了還非重理霓裳舞都無誤幾年一遇莫訝周郎顧

花來瓊野玉光寒學士吟成傲熱官曉翦春冰送緹騎
一枝慶忌宅邊看

陳氏書錄解題瓊野錄一卷學士洪邁園地記述題咏曰瓊野者從維
揚得瓊花植之而生遂以名園 留青日札南宋宦者陳源取瓊花孫
枝接於聚八仙樹上至今流傳杭緒家唐瓊花園是也地卽春秋慶忌
宅基 宋鄭覺齋揚州漫瓊花詞記曉翦春冰馳送金莖露涇緹騎星

南宋雜事詩卷六

葉葉西風翠翦裁新涼氣味蚤相催金錢買得秋多少

秋傍玉人雲髻來

夢梁錄立秋日都城滿街叫賣楸葉婦女小兒翦如花樣插於髻邊以
應時序 竹屋癡語清平樂咏秋葉詞盤枝翦翠葉葉西風意吹上玉
人雲髻底無限新涼氣味飄蕭露葉烟柔絕
憐不透宮流寄語多情宋玉悲秋得似宜秋

天街春緩酒如油爭上和豐豐樂樓銀甕呈祥都不解

屏間瑞應待人搜

齊東野語中和和豐豐樂銀杓銀甕錢唐酒樓名 野客叢書都下有
銀甕酒庫或問何謂余考瑞應圖王者宴不及醉則銀甕呈祥蓋取此
意

夜來歸夢月橫西東閣重窺路更迷傳語郎君新得意
酒醒無奈曉鴉啼

能改齋漫錄汪彥章在劬苑屢致言者作點絳脣詞或問曰歸夢濃於酒何以在曉鴉啼後公曰無奈這一隊畜生何 勸簡秦慮狀元及第汪彥章以啓賀會之有云三年而奉詔策固南宮進士之所同一舉而首儒科益東閣郎君之未有本求屬對之工而瘡父字怒以爲輕已彥章自此得罪 羈置瀟湘

德壽宮中撰冊新書廚尤氏最移人明朝上壽天顏喜舞五花兒動酒鱗

費耳錄德壽八十壽皇講行慶禮上尊號周益公當國差官換冊楊誠齋尤延之各撰一本進呈壽皇以楊之文聲牙不若用尤之文温惻田齋筆衛尤延之貫穿今古士大夫目爲尤書廚癸辛雜識德壽宮舞譜有五花兒雁翅兒龜背兒

雨過秋來禁苑西述懷詩格未曾低平生覽鏡雄心在接骨時聞喚小嵇

庚溪詩話孝忠不忘中興之圖每形於詩詞如新秋雨過述懷云平生雄武心覽鏡未顏在 兩浙名賢錄嵇清仁伯由汴扈蹕南渡世傳祕術壽皇躬騎射時有誤遺應期而廖宮中詫曰小小嵇正能接骨耶

南宋雜事詩卷六

九

西蕃名劔敵吳鉤賜出寒光凜素秋底事武臣要重賞邊功漸近太平州

名劔記紹興六年二月右相都督張浚請降御前西蕃劔給賜有功將士 錢氏秋誌隆興初賀子忱知樞密院有武臣陳理公賞稱累立戰功自宣和年第一次燕山府至紹興年第九次太平州謂朝廷推賞一次輕於一次賀正色云只爲邊功一次近於一次武臣無詞問者稱服

垂衣暇日沐恩波四角金龍押帕羅紅粉抹胸緋裏肚貴從御退賜宮娥

建炎以來朝野雜記乾道邸報臨安府浙漕司所進成恭后御衣有粉紅紗抹胸正紅羅裏肚 癸辛雜識大臣家賜與帝后衣謂之御退衣服子妻各有御退羅帕 四角皆有金龍小印

鴛鴦飛處畫船橫白玉芙蓉兩朶生請看雙投橋下水有情爭得似無情

七修類纂杭西湖入路曰長橋米誌俗名雙投昨讀元馬士頤竹枝詞曰請看雙投橋下水新開兩朵玉芙蓉注云常有情人雙投橋下故長橋名雙投

甘園地占社壇多大尹忻然不奈何留與花時誇好景
水亭四望客經過

玉照新志乾道中趙渭礪老尹臨安時巨瑞甘昇有別墅在西湖惠照寺西地連圻之社壇昇欲取以贖其園礪老忻然領命靜住集辛亥二月望祭齋宮因遊甘園詩朝霏作雨連天溼花氣熏人到骨香四望水亭無正面有花多處背湖光案甘園在

禁中丹桂月如銀猶有張掄一曲新霜滑玉堦行不得
謫來蓮社作閒人

花菴絕妙詞選張材甫論說蓮社居士多應制詞有臨江仙咏禁中丹桂夷堅志紹興末知閣門事張掄赴後殿起居由隔門東澁道階趨下霜滑失足頓坐於地閣門職主朝觀彈奏臣原失儀若本司官則自奏劾掄竟放罷

楊監朝天乍卸帆一官一集換頭銜蒲橋暇日攜孫子
南宋雜事詩卷六

幼圃花窠手自莖
行都紀事楊誠齋名萬里為監司時巡歷至一郡郡守宴之官妓歌賀新鄭詞以送酒其中有萬里雲帆何時到之句誠齋獲曰萬里昨日到守大慚監繫此妓

蘇齋朝天集幼圃詩序蒲橋寓居有剏方石而實以上者小孫子就花窠菜本其中戲名幼圃夢梁錄臨橋東一直不通水旱橋名蒲橋按蒲橋為誠齋寓居此類甚多皆從來郡邑志所未備

三橋旅舍寂無譁揭榜嚴宵燭影斜響卜已占婆惜得
試文莫是董公遮

夷堅志括蒼何湛叔存信熙丁未赴省試館於三橋旅邸揭榜之夕遣僕探候久而不至有憂色因幸同輩登橋聽響卜聞河畔婦人呼曰婆惜你得益吳人愠怒欲行打罵之詞俗謂之受記非吉兆也湛獨喜曰可賀我矣吾小名正為婆惜僕至果中前列坦齋通氣官熙丁未洪景盧知舉一考官大笑絕倒問之則云試卷中有用董公遮論漢王事以公遮為三老之名夢梁錄韓府壽日重將橋次曰三橋子

僧到郊禪識御顏易安齋類虎丘山劈開溪石尋微徑
窗外江光一抹間

二老堂雜誌易安齋溪石畫開髣髴虎丘之劍池但小耳上有數亭傍
結小菴僅容膝自廳中望濤江際天如發雜齋也倫宗表年八十八上
遇郊禋宿齋往往週之至今設御榻而皇城司遣親事官
為闈者 案易安齋在龍山郊壇側爭明院內近慈雲嶺

記得明堂舊例無誤宣鎖院噪宮烏紫霞帳接紅霞帳
慶慶堪憐作受奴

玉堂雜記禁中以鎖院為重治熙三年慶壽赦凡降麻官合加恩者用
辛巳明堂例免鎖院九月三日中書進熟狀魏王愷恩平官王璵永陽
郡王居廣並加食邑只乞降付院草制內夫人失於許職宣鎖陳直院
明日內批付密院典字直筆吳慶慶降充紫霞帳不令供職主管大內
公事慶國淑懿夫人劉從信降兩字夫人蓋愆其誤也 留青日札紅
霞帳宋宮人品名紹興間如張頊兒馮十一娘張正奴劉翠奴之類又
有紫霞帳
王受奴

瑞石山隅帝式憑祧遷九室亦同升摩睺羅自平江進
原廟花樓又試燈

建炎以來朝野雜記太廟自仁宗以來皆祀七世崇寧初取王肅說謂
二祧在七世祖之外乃建九廟奉翼祖宣祖咸歸本室焉紹興中徽宗

南宋雜事詩卷六

十一

耐廟以與哲宗同為一世故無所祀及升耐欽宗始祧翼祖高宗與欽
宗同為一世亦不祧由是清熙末年太廟祀九世十一室及阜陵復土
趙汝愚為相遂祧僖宣二祖而耐孝宗有旨集議時朱子方在講筵獨
以九廟為正 中興小歷紹興十三年景靈宮成祖宗神御自温州來
至是達於行在乃請天章閣告遷徽宗及恭顯恭肅二后神御乙未並
奉安於景靈宮門孟躬行獻禮上元結燈樓寒食設鞦韆七夕設摩睺
羅 方輿勝覽平江府土人巧
於泥塑所造摩睺羅尤為精巧

湖蟹年年出葑田吳閭八跪進尤鮮不須將相矜雄畧
茅店青旗認鞠天

隨隱漫錄蘇守臣進蟹應制程奎草批答云新酒菊天維其時矣上
口茅店酒旗誰豈王言即令陳赦一擬開先臣援筆立成畧曰內則黃
中通埋外則戈甲森然此卿出將入相之象也上乃
悅 咸淳臨安志西湖葑田產蟹土人謂之網蟹

富景園開聚景同宸遊風物冠城東百花池上花多少
直到升仙橋外紅

葉扁圓有葉芳慶樂聚景玉津玉壺富景翠芳並在杭 都城紀勝城
東新開門外有東御園今名富景園 七修類葉東花園未之富景園

也內有百花池相傳傳矣今園前民家之後尚存大池孝宗嘗奉木片
幸此板兒巷名白化院散巷乃百花池上卷也 咸泊臨安志富景園
規制畧仿湖山 又云
升仙橋在富景園前

面赤知卿酒戶廉小春茶味亦清恬重華宮裏他年宴
滿席無多汎綠籤

玉堂雜記酒熙丁酉十一月壬寅必大輪當內直上曰卿想不甚飲此
賜宴時見卿面赤賜小春茶二十斝葉世英墨五國以代賜酒 經錙
堂雜志壽星坐側有一牙籤筒凡二十半白半綠酒樽至出白
籤筒止半杯出綠籤則滿汎一席之間用綠籤止二三而已

青兕雄姿剩一錢晚年空看綠苔圓呂婆名徹楓宸聽
弱女釵分劇可憐

宋史辛棄疾在賦京軍中僧端義編印以述辛追獲之義端曰我識君
相乃青兕也力能殺人幸勿殺我辛斬其首歸報京 稼軒長短句侍
者阿錢將行賦錢字贈之云杜陵真好事留得一錢看又云從今花影
下只看綠苔圓 貴耳錄呂婆即呂正巳之妻道照間名達天聽京畿
有二漕一呂指一呂正巳婿家語姬甚盛必約正巳通宵飲呂婆一日
大怒踰牆晉之指子一彈碎其冠事徹孝室雨清即日罷呂婆有女事

南宋雜事詩卷六

辛幼安以微事觸怒逐之今稼軒桃葉渡詞因此而作
按稼軒祝英臺近有寶釵分桃葉渡烟柳暗南浦之句

天淨紗幘薄似雲冷泉堂下翠涼分君王欲識民間事

金合朝封豹腳蚊

咸清臨安志紗有天淨紗 齊東野語壽皇語崇王曰聞
湖州多蚊果否後侍宴因以小金合對豹腳數枚進之

東觀叢叢尺五天硯儲百九潑雲烟汴京公相無遺物

七庫青緇值幾錢

硯箋祕閣硯高宗御押鄧亨仲詩石渠東觀天尺五右文儲硯一百九
今所見七十五耳 建炎以來朝野雜記中興館閣書目清熙中所修
也高宗渡江書籍散失紹興初有言賀方回子孫鸞故書於道者上命
有司市之洪玉父爲少監建言蕪湖管有秦京所寄書籍因取之以實
三館五年九月大理評事諸葛仁獻書萬卷於朝詔官其一子十三
年初建祕閣又命即紹興府借故祕閣陸賓家書繕藏之賓農飾子也
夢梁錄祕書省經史諸子書籍凡七庫
按祕省藏書始末此段視揮塵錄較詳

菴酒店前楊柳風碧香酒暖十分空舞兒二八腰身小

染就春衫不肯紅

都城紀勝卷酒店者謂有娼妓在內而於酒間暗藏臥牀也 天下酒名記杭州有碧香咸高志碧香庫在西橋東 老學菴筆記紹興未繼帛有一等似卑而淡者謂之不肯紅亦退紅之類也

垂髻妙女綠髮鬢獨對經書四十三從此閨檐為進士

留青日札清熙九年女童林幼玉求試經書四十三件並通時年一十二歲賜為孺人或云林妙玉賜為進士 丹鉛總錄女進士者林妙玉也

籀冠長笛最矜奇一曲惟將項下吹比似盧郎倚樓處沙河塘上少年時

游宦紀聞沙隨先生頃於行在見一道人以笛注項下吹笛其聲清暢而不近口竟不曉所以然 夢總甲藁醉桃源盧長笛詞沙河塘上舊游嬉盧郎年少時一聲長笛月中吹和雲和雁飛驚物 換歎星移相看兩鬢絲斷腸吳苑草萋萋倚樓人未歸

南宋雜事詩卷六

三

不因馴象外藩通誰識臨安假國忠齒冷虛無新拜號

太師竹倚一枝紅

白翎鏡室宗恭淑后上仙而曹氏為婕妤平原特以為總屬偶值正理富國進馴象至平原語公瑾曰如不聞有禁里富國公瑾曰今有假湯國忠 射野遠紀婕妤曹氏姊妹通籍禁中皆為女冠賜號虛無自然先生者左右街都道錄者皆厚於韓侂胄或謂亦與之暱 圖繪寶鑑韓平原自寫琅玕 大葉號太師竹

蕭閒日誦度人經管領南湖尚典型詩客何妨原將種冰茹雪食髮星

武林舊事張鎡桂隱百果云南湖則管領風月北園則燕賓娛親 又云都徽別館誦度人經處 四朝聞見錄鎡頌史彌遠議殊韓侂胄史以鎡為大臣且近戚未有以處鎡曰殺之足矣史退謂錢象祖衛涇曰真將種也 楊誠齋贊張功父像云門有未履坐有桃李一何佳公子也冰茹雪食瑀碎月 魏又何窮詩客也

淺色彩裁艾虎紗髻邊千葉試榴花催教馬遠圖宮扇

意思山前賞物華

宋寧宗楊后宮詞一朶榴花插髻鳴。君王長得笑時誇。內家衫子新番出。淺色新裁艾虎紗。夢梁錄。榴花有千葉者。吳師道禮部集。仙山秋月園宮。弱馬遠畫。武林舊事。端午先期。學士院供帖于禁中。排當列用。朔日。謂之端一。設天師艾虎。意思山子數十座。巧糝結為樓臺。舫輅。

詩人正樂是姜夔私篆鷹揚與鳳儀一擔琴書留水磨

秋聲夜夜故鄉思

白纈。隨慶元間。士人姜夔。乞正奉常雅樂。雲烟過眼。綠姜堯章有鷹揚。周郊鳳儀。虞廷印甚奇。吳夢窗詞。藁姜白石。筆水磨方氏。武林舊事。水磨。頭近石雨橋。白石集。湖上寓居詩。荷葉披披一浦涼。青蘆業業。夜吟商。平生最識江湖味。聽得秋聲憶故鄉。

水仙廟下水連天。佩玉裁冠像宛然。喚取雪篷烟艇子。任他豪貴占頭船。

咸淳臨安志。袁詔水仙王廟記。我冠佩玉乘風。載雲相羊於水月。倒影之中。仙有靈。宜不宜耶。偶波雜志。頃年西湖所置。船舫如流星。槎凌。

南宋雜事詩卷六

丙

風舸雪篷。船艇扁額不一。霞外集。西湖春日壯遊詩。袁家游賞占頭船。秘得風輕放紙鷁。

平原省史梅溪侍從申呈勢莫齊不道清才工樂府

泉綃織就粉牋題

四朝聞見錄。蘇師旦。詆逐韓侂胄。為平章。專倚省史史邦卿。奉行文字。擬帖。擬旨。俱出其手。權彖。籍紳侍從。來札至。用申呈。張功父。史梅溪。詞序。史生之作。情詞俱到。織綃泉底去塵眼。中。

白首修書局正開洞微能識我重來一囊粟抵千壺酒

自有蓮花博士才

詞統。陸放翁之出也。韓平原招致之一夕。夢故人相語曰。我為蓮花博士。鏡湖新置言也。我云矣。君能暫為之乎。月得酒千壺亦不惡也。遂以詩紀之。云。白首歸修汗簡書。每因囊粟歎侏儒。不知月給千壺酒。得似蓮花博士無。老學菴筆記。予去國二十七年。復來。惟賣下洞微山人。

書學官家筆勢。養楊家妹子。最承恩偷從琴鶴圖中見。

嫵媚清詩粉指痕

書史會要揚妹子楊后之妹書似寧宗馬遠畫多其所題語關情思人或譏之 正蹟日錄楊妹子題劉松年琴鶴圖詩清獻先生無一錢故應琴鶴是家傳誰知歌鼓無絃曲時向珠宮舞幻仙

特祠太乙留瓊館小著危亭綠樹間佳氣葱葱誰與辨

武林山是虎林山

學詩初集東太乙宮卽事詩綠陰深處着危亭佳氣葱葱王武林一片紅塵飛不入杜鵑啼處白雲深自注宮後有亭乃武林山 七修類藁虎林卽今神山寺宋東太乙宮之山也不知者改虎爲武未懷攻媿詩云武林山出武林水靈隱後山卽乃是此山亦復用此名細考其來正有以從來有龍必有珠此雖培塿于山餘四朝聞見錄云虎林卽靈隱山因避唐諱改名武林楊正質又謂錢氏有國時此山在郭外異虎出焉故名吳音訛虎爲武耳據三說惟楊爲是若以避唐諱則漢志已名爲武林矣又晏元獻輿地志云武林山錢唐泉所自出此可見武林自是靈隱而虎林之地又豈有泉之可出而

鸞綃閒引玉津遊正值南郊祀事修丙夜宓妃先犯戒

南宋雜事詩卷六

五

御將聖像拜盤溝

朝野遺紀光廟郊宿青城李后復至玉津行園亦犯玉女宓妃之戒韋居聽輿蘇州承天寺有神曰盤溝大聖光皇嘗宣像入內賜僧牒

宜男圖子李家描蜨戲長春撲扇綃爲愛鞠花香五月

草蟲勾出兩珠跳

書畫彙考南宋書院李從訓有宜男圖馬麟有美人撲蝶戲長春合卷 石湖鞠譜五月鞠花心極大每枝只一夜近年院體畫草蟲喜以此菊寫生

三朝御裏陳忠翊四世儒醫陸大丞指點賀家酥樣好

合將扁榜一時稱

老學菴筆記大駕駐蹕臨安故都及四方士民商賈輻輳又擬立官府扁榜一新好事者取以爲對曰於籍諸道進奏院詳定一司勅令所王防禦契聖眼科陸官人遇仙風藥乾溼脚氣四斤允備正頭風一字散三朝御裏陳忠翊四世儒醫陸大丞東京石朝議女塔樂駐泊藥鋪西蜀費先生弟子寇保義卦肆如此凡數十聯 都城紀勝都下買物競趨有名之家如望仙橋糕糜後市街賣酥買家

草菴舊住萬松嶺能畫惟將畫出家月黑山深鬼吹火
筆頭力便可驅蛇

攻媿集釋智融俗姓邢以醫入仕南渡居臨安萬松嶺號草菴邢郎中官至成和郎年五十棄官謝妻子祝髮靈隱寺人不知其能畫山深多蛇忽作二奇鬼於壁一吹火向空一踢蛇而掣其尾蛇患遂除

七寶山頭一俊人侍郎橋識舊京臣誰知竹暗雲深處
更著梅亭句絕塵

揮塵三錄清明屛迹蹀躞路假居於臨安之七寶山俯仰顧盼聚山林江湖之勝於几案間前錄云徐五大敦立爲貳卿明清偶訪之坐間問曰度今此居侍郎橋河耶明清即應以仁宗朝節簡杭州人王判公有寄郎致仕居此里人德之遠以名橋兩朝國史本傳字簡之王判公有寄郎簡之詩敦立大喜曰博聞如此可謂伎人矣四韻聞見錄陳藻三茅觀梅亭詩竹密不知雲欲雨山高書見水朝宗繼是無有利者按三茅觀在七寶山隨隱漫錄云紹興初以牛鼎賜三茅觀內有銘乃宋孝武孝建元年八月二日作西湖志以爲漢建元鼎諫矣敦立名度作郤掃編

南宋雜事詩卷六

六

西湖衣鉢幾人傳長繞梅花拜墓田爲問孤山林處士
可曾一世對花眠

雪巖陰卷讀林可山西湖衣鉢詩梅花花下月黃昏獨自行歌掩竹門只道梅花全屬我不知和靖有仍孫升菴詞品林君復宋史謂其不娶無子然林洪著山家清供言先人和靖先生云云蓋表偶後遂不娶耳按洪字可山

荷花萬柄倒池心小水晶宮望更深詩思只宜生此處
雲山畫地銷金

四朝聞見錄曰洋池在田家橋側芰荷渺然鷗鷺雜集號小水晶宮老學菴筆記紹興中有貴人好爲俳諧詩如綠樹帶雲山畫地銷金竹地銷金

江湖集列幾名家陳道人詩頗足誇攤向睦親坊畔賣
相公語禁累梅花

瀟奎律髓注寶慶初史彌遠專權之際錢唐書肆陳起宗之能詩凡江湖詩人皆與之善宗之刊江湖集以售劉潛夫南岳葉與焉宗之詩有

云秋雨梧桐皇子府春風楊柳相公橋哀濟郎而謂彌遠也或嫁秋雨
春風之句為放器之作言者非潘夫梅詩論列勝江湖集板二人皆坐
罪而宗之坐流配於是詔禁士大夫作詩詔定來已爾遠死詩禁始解
潘夫為病後訪海絕句云夢得因桃卻左遷長源為柳竹當權幸然不
識枕并柳御被梅花累十年 又云陳起陸親坊開
書肆自稱陳道人 按陸親坊即今杭成粥坊開

小隊宮妝候蚤朝石中靈鵲噪聲遙縮成不落新翻髻
裏就春跌上馬嬌

王芝堂談晉宋穆陵宮中有靈鵲石石中有鵲每天將旦咸聞噪聲
狂臺記理宗朝宮妃梳高髻於頂口不走落 說畧理宗朝宮妃束足
織直名 快上馬

兩湖勝槩得佳名飲綠亭前春水生好是上頭天氣近
燕簾柳戶作清明

范石湖集李翬知縣作亭西湖予用東坡語名曰飲綠遂為勝槩 夢
梁錄清明節凡官民子女未冠笄者以此日上頭 史梅溪飲綠亭詞
簾寒食之句

南宋雜事詩卷六

七

和寧門內敞樓臺甲第初綠貴主開細草林花猶道遠
內人遣自兩宮來

柳待制集石開元宮圖一卷本宋理宗女周漢國長公主第在杭州清
湖橋西第成於景定辛酉公主實以是年下嫁駙馬都尉錫璜初理宗
無子度宗自福邸入正儲祇而詔后女獨有公主兩宮最所鍾愛有司
希旨為治第雖帳供御下乘輿一等居半歲猶以遠掖庭更下和寧門
內東穿墻垣為直道內宮宮嬪朝夕通饋問而是賜第在清湖者惟居
楊氏母 句曲外史集題周漢國公主甲第圖詩主家樓觀蔚參差想
是當年全盛時宮草細分乘輿道林花深隱汎舟池瑤臺仙去塵生海
甲帳神來風滿旗好在書圖留勝蹟五雲長讓鶴登祠 咸清臨安志
崇恩寺惠順賈妃嬪所周漢國端孝公
王耐焉公主妃所出按此與柳說不同

斫竹為棚翠動搖行都也學借元宵鮑燈珠網交垂處
傀儡先裝獨自喬

清夜錄理宗清祐三年京尹趙節齋借元宵十二月十四日詔卷陌
橋道皆編竹為張燈之計 武林舊事 燈品鮑燈則篋犀玳瑁以飾
之珠子燈則以五色珠為網下垂流蘇 又云大小全棚傀儡有喬三
教喬迎親喬師娘喬宅眷獨自喬之類 案前此數宗有預借元宵事

清壽亭前宴賞時盼兒歌韻

游絲官家不解閒愁悶

休唱尋尋覓覓詩

李昉陳盼兒傳庚申八月太子請昉殿幸本宮清壽亭賞芙蓉木樨韶部頭頰盼兒捧牙板歌尋尋覓覓一句上曰愁悶之詞非所宜聽可令陳藏一撰一即景狀活潑聲慢 隨憶漫錄度宗命製桂詩秋桂庭前露影涼萬重深翠護深黃恭逆兩殿臨清賞壽學濃浮月殿香

水月仙人半面妝浴堂門外見徐孺郎君可是無金屋

畫取湖山近臥牀

蔣捷竹山詞傳巖隱本如武林納浴堂徐氏女子於客樓其情也亦此之所居樓上圖西湖景於壁詞有水月仙人院宇到處有西湖如鏡之句

捲地霜風葦盡枯淺斟低唱應開爐羅幃小釘金泥密

紅入麒麟醉倩扶

夢梁錄十月朔貴家新裝煖閣低垂繡簾淺斟低唱以應開爐之序歸愚詞西江月咏開爐云風送丹楓卷地霜乾枯葦鳴溪獸爐重展向

南宋雜事詩卷六

六

深閨紅入麒麟方纔翠箔低垂銀燭羅幃小釘金泥笙歌送我玉東西誰管瑤華舞砌

何當不吠犬成羣日稅漁船扇寇氛因有宵衣難畫錦

白麻紅燭救摘文

古杭雜記寶祐乙卯丁大全除司諫陳大方除正言胡大昌除侍御天下目爲三不吠之犬 清衣錄開慶元年丁大全當國江鄂二郡守放例每一漁船日稅五千漁人不堪命遂渡北兵入寇鄂渚八月起復舊相吳履齋宅在揆直院洪魯齋芹草麻制云予方重宵衣之憂汝不以畫錦爲樂入趨延英之召亟奉天章之咨

花樣連枝放杏桃街頭青紙價爭高袖中自具南宮手

波撒紛紛落剪刀

志雅堂雜鈔向舊都天街有剪諸色花樣者極精妙隨所欲而成又中瓦有俞破之者每翦諸家書字皆專門其後忽有少年能衣袖中翦字及花朵之類更精於二人於是獨擅一時 誠齋集翦字吳道人翦李義山經年別遠公詩用青紙翦字作米元章體逼真

清湖河水貫城流載酒船通屋後頭移得癖齋雞犬住

陰詩破卻一生愁

咸宿臨安志高九萬喜杜仲高移居清湖詩笑移雜犬入城居無復游
從歎開陳河水通船堪載酒桐陰近屋可修書飯香休憶辛田米羹美
何漸丙穴魚我亦買山湖上住效芹時擬貢園蔬按杜旃仲高金華人
有癖齋集 夢梁錄清湖河自府治前淨因橋過鬧轉北出渡子橋合
湧金池水流至清湖
橋眾安橋與市河合

喬相無兒晚秉鈞上梁文語亦酸辛見滄閣上聞簫鼓

溼雪明燈作好春

齊東野語喬行簡嘉熙末自相位拜平章軍國重事年八表矣作上梁
文云有園有沼聊為卒歲之謀無子無孫盡是他人之物 絕妙好詞
翁元龍雪齋登吳山見滄閣開城中簫鼓聲水龍吟詞有街聲暮起塵
侵燈戶月來舞地之句 按吳山石龜巷內寶奎寺宋相喬行簡故第
後捨為寺有理宗書見滄二字勒之崖石此田叔禾西湖志所載不知
捨宅由於無子且曾有見滄閣也翁詞全首往總想叔禾未寓日故不
宋入耳

西湖詩客習難除多挾中朝閣匾書笑殺壺山老居士

南宋雜事詩卷六

九

竟勞秋壑構華居

瀛奎律髓注慶元嘉定以來乃有詩人為謁客者千求一二要路之書
謂之閭扁副以詩篇勸獲千萬緡如壺山宋謙父自遜一謁賣似道獲
楮幣二十萬緡以造華居是也錢唐湖山此曹竹伯為羣阮梅峰秀
實林可山洪孫花翁季蕃高鞠嚙九萬往往往雖黃士大夫口吻可畏

簿錄平原故物空著庭竹石屬蘇公文山二十魁天下

獨重邦人學二忠

鶴林王露東坡謫僑耳道經南安於一寺壁間作叢竹醜石甚奇韓平
原當國剝下木軍取之守臣以紙糊壁全堵脫而龜之以獻平原置之
閨古堂中既敗籍其家壁入祝書者著作之庭 偶曝談餘寶祐年登
科錄第一甲第一名文天祥字宋瑞小名雲孫小子從龍年二十
山集道山堂瞻御書詩著庭更有邦人筆檣首承休學
二忠自注云著作之庭乃胡忠簡公書周文忠公立

閣門贊拜盡宮嬪花外流鶯誤達晨春夏秋冬書月日

釀成別是一家春

隨隱漫錄會輟郡夫人昭儀王秋兒順安俞修容新與胡美人承陽朱
梅兒資陽朱春兒高安朱夏兒南平朱端兒東陽周冬兒順政百端兒

高平周賈兒通化聞潤兒潯陽陳宜兒胡安化沈成寧黃新平皆上所幸也初陳宮以春夏秋冬四夫人直書閣爲最親王能屬文爲尤親王非以色事主度皇亦悅德者也通鑑略度宗既立耽於酒色故事廢妾進御晨詣闕門謝恩主者書其月日及帝之初一日謝恩者三十餘人武林舊事亭名別是一家春度宗初劫或謂非任讖龜未驗果驗

六和寺塔俯江潯萬佛千燈出綠陰喜得神童能偶句
青衫嘗從翠華臨

兩浙名賢錄崇寧亭長臺人以神童聞端平二年初赴省從幸六和寺上指塔云一塔七層八面萬佛千燈豪亭應聲云孤舟雙槳片帆五湖

海

弈棋待詔總新僉方野文楸巧藝兼何似宮中玉棋子
似將漏水逐時添

武林舊事葉符詔朝日新等徐文長別記度宗朝宮中有十二玉棋子上有十二時字置盆水中逐時浮出不差時刻

藥洲遺墨已無倫壑相闌亭更絕塵正是焚襄多事日

南宋雜事詩卷六

三

只留勇爵付斯人

志雅堂雜鈔廖瑩中羣玉號藥洲刻陳簡齋姜堯章任希逸盧柳南四家遺墨十二卷賈師憲命王用和翻開定武蘭亭三年而成酬以勇爵幾與定本相亂去窗詞張集作也中多壽賈相詞傅爲壑相

畫扇宸書進壽筵珠衣玉笏禮難全須從福邸投虹處

記取銅華洗日年

淵穎集宋度宗御書福王慶壽宮扇詩漢家諸侯奉大統會稽故邸王封重歲周甲子壽筵開賓客滿堂宮扇來掖庭御侍圖史聖筆遠巡鸞鳳似清風外撲龍阜花明月中涵鏡湖水南國爲家日已微禮音考禮是耶非前殿君臣朝玉笏後宮父子良珠衣夢窗甲葉真清郁壽榮王夫人詞云長虹夢入仙懷便洗日銅華翠落癸辛雜識福王次子黃氏所生卽紹陵也黃氏封隆國度宗夫人按度宗父福王與苗爲理宗之弟皆榮王子也理宗無子度宗入繼大統田志云度宗理宗同母弟也訛甚

聞帥才長未足多稱心無賴轉橫波閨燈實錄風流筆
能殺漳南賈八哥

三朝野史賈似道間才有餘相才不足又云以元老之尊肩與賤娼潘
稱心襲狎 姑蘇志鄭虎臣設質似道者吳人也其家居第甚盛號鄭
半州四時飲饌各有品目著集珍日用一卷元夕間炫實錄一卷夏
基西湖志張淑芳錢塘西山樵家女有才色理宗時選入宮賈相匿之
委

憶否琴邊奉至尊文君髻影伴黃昏斧柯片石香痕溼
留與遺民一斷魂

湖山類彙汪水雲留燕臺一紀束書告行一時同人賦詩為別陳正淑
詩云天山雲子落紛紛醉擁貂裘坐夜分明日馬頭南地去琴邊應是
有文君 改盡齋雜疏水雲宋末以善琴供奉國亡隨三宮入燕久之
請為黃冠南歸藏有賜硯背刻天錫永寶四字八分書右刻水雲二篆
字左刻楷書絕句云斧柯片石伴幽閑堪與選
民其號頑試憶當年承賜字墨痕如淚盡成斑

水南半隱傍花宮猶是承平處土風一卷十空經在否
有兒不愧鞠山翁

心史鄭思肖父鞠山翁諱起禧祐間居西湖有水南半隱在長橋作水
南半隱記 實顏堂筆記鄭所南嘗著大無工十空經一卷空字去工
而加十寓為大宋遺語奇溢
自書其後云當有巨眼識之

南宋雜事詩卷六

三

問安兵已入宮時救日空教羽檄移麗景只今傳樂府
松風吹冷浴龍池

險雲集咏呂文煥詩只將六載無消息太后宮中一問安注云大兵至
臨安屯皋亭山文煥與范文虎九騎入城至大內謁宋太皇太后 三
朝野史大兵渡江賈似道即出檄書布告中外有云救日之弓救月之
矢便直指於旌旗如彌之山如帶之河尚承堅於盟誓 思古堂集皋
亭山崇先寺浴龍池宋高宗嘗洗手河名 按西湖十景始自南宋皇
宗吉稱周草瞻賦水蘭花漫張子成賦應天長皆晚宋名作今草瞻十
景詞已載不傳獨張子成陳君仲所作具在各存五首以見勝槩其外
南渡詞人題咏行都者亦摘句賦卷尾 日湖漁唱蘇堤春曉調採春
云上苑烏啼中洲鷺起疎鐘纓皮雲笏篆余香善燈微塵曉夢猶陰
芳草驛舟捲簾看認何處六橋烟柳翠樓簾戲西冷起過湖人少
掠水風花繚繞還暗憶年時旗亭歌酒隱約春聲細車轍次第鳳城
開了惟有踏青心縱豈起不嫌寒峭畫閣立東風舊紅誰掃 平湖
秋月調秋霽云千頃玻璃送遠日斜陽漸下林間題葉人歸采菱母散
望中水天一色破空柱曉玉繩低轉雲無迹有素鷗閑伴夜深呼棹過
環碧 相思萬里頓隔嬋媛幾回瑤臺同駐鸞翼對西風憑誰問取人
間那得有今夕應笑廣寒宮殿窄露冷烟澹還看數點殘星兩行新雁

倚樓橫笛 斷橋殘雪 調百字令云旋雲匝騰正蘆花纔積 荻絮初殘
華表 翩躚何處 鶴愛吟人 正孤山東 解吾鋪水 融沙發 誰凭玉勾 關茸
衫 隨帽冷香 吹上 吟鞭 將次 柳際 瓊消 梅邊 粉瘦 添做 十分 寒 閑踏
輕 漸來 薦鴨 半潭 新漲 微調 水北 峰巒 城陰 樓觀 留向 月中 看 嘯雲 深
處 好 風 飛 下 晴 湍 雷 峰 落 照 調 掃 花 遊 款 乃 峯 巒 作 起 觀 繞 紺 柳
塘 花 塢 最 堪 遊 暑 愛 雷 香 送 晚 翠 嬌 紅 煙 款 看 影 金 輪 迴 光 朱 戶 暝
斜 處 望 孤 鶩 斷 霞 初 下 芳 杜 遙 想 山 寺 古 有 倒 影 金 輪 迴 光 朱 戶 暝
烟 帶 樹 有 投 林 鶩 宿 凭 樓 僧 語 可 惜 流 年 付 與 朝 鐘 暮 鼓 漫 疑 步 長
橋 月 明 歸 去 花 港 觀 漁 調 鷺 山 溪 云 香 波 浮 綠 小 隱 桃 溪 路 雨 正
林 塘 翠 不 礙 錦 麟 來 去 芹 香 藻 賦 偏 愛 機 花 肥 簷 影 下 柳 陰 中 蓬 浪 吹
萍 絮 宮 溝 泉 滑 怕 有 題 紅 句 釣 餌 已 忘 機 都 付 與 人 間 兒 女 遂 恨 吹
在 鷗 鷺 笑 人 癡 三 湘 夢 五 湖 心 雲 水 蒼 茫 處 梅 調 詞 趣 院 兒 奇 調 應
天 長 云 換 橋 渡 筋 添 柳 護 堤 坡 仙 舊 欠 今 續 四 面 水 窗 如 染 香 波 釀 香
題 田 田 樓 成 暗 綠 正 萬 羽 背 風 斜 亂 鷗 去 不 信 雙 鷺 午 睡 猶 熟 還
記 便 金 樓 共 撫 雕 闌 低 度 說 紗 曲 自 與 故 人 輕 別 榮 枯 換 涼 蕩 亭 影
驚 艷 目 忍 到 手 又 成 觸 觸 消 無 語 無 語 無 語 無 語 無 語 無 語 無 語 無 語
調 云 翠 屏 對 晚 鳥 榜 占 隄 鐘 聲 又 斂 春 色 殘 度 半 空 敲 月 山 南 應 山 北
歡 娛 地 空 浪 迹 謾 記 省 五 更 聞 得 胡 天 曉 夾 柳 橋 疎 綠 纒 香 勒 前 度
湧 金 樓 曠 傲 東 風 鷗 鷺 半 相 識 暗 數 院 僧 歸 盡 長 虹 臥 深 碧 花 間 恨 猶
記 憶 正 素 手 暗 裁 輕 拆 夜 深 夜 不 道 人 來 登 細 窗 棂 柳 浪 韻 舊 前 遊
云 翠 迷 倦 舞 紅 粧 老 妝 流 鶯 伯 與 春 別 過 了 禁 烟 寒 食 東 風 顛 環 戴 遊
人 恨 柔 帶 結 更 喚 醒 羽 旛 宮 白 畫 船 遠 不 認 錦 燈 脫 棹 空 歌 爭 似 湧

南宋雜事詩卷六

金樓燕燕歸來 鈎轉暮簾 揭對語 畫梁消息 香泥砌花 屑昆明事 休更
說 費 夢 繞 建 章 宮 關 曉 啼 處 穩 繫 金 絛 雙 鈴 龍 月 三 潭 印 月 前 調 云
桂 輪 通 彩 袞 沼 漾 金 潛 虬 略 動 駭 室 水 路 乍 疑 霜 雪 明 眸 洗 春 色 年 時
事 還 記 憶 對 萬 頃 野 痕 龜 斫 舊 游 處 不 認 三 潭 此 際 會 識 今 度 湧 金
樓 素 練 窺 窗 頻 照 瘦 侯 席 自 與 影 娥 人 約 移 舟 弄 空 碧 宵 風 梢 籤 漏 滴
蚤 未 許 睡 魔 相 寬 有 時 恨 月 被 雲 妨 天 也 拚 接 浮 閣 現 峰 插 雲 前 調 云 暮
屏 翠 冷 秋 樹 稍 疏 寬 雙 峰 起 南 北 好 與 霽 天 相 接 浮 閣 現 峰 插 雲 前 調 云 暮
其 碧 設 費 盡 少 年 游 屐 故 鄉 遠 一 望 空 遙 水 斷 烟 閣 閒 凭 湧 金 樓 處 雲
灑 波 心 如 洗 夢 淹 筆 喚 起 睡 龍 蒼 角 盤 空 壯 荷 色 西 湖 路 成 倦 客 待 倩
寫 素 練 千 尺 便 歸 去 酒 底 花 邊 猶 自 看 得 書 舟 雅 詞 廊 安 晚 秋 調 滿
庭 芳 云 南 月 鷺 西 風 破 雁 又是 秋 滿 平 湖 采 蓮 人 盡 寒 食 戰 兢 紅 藕
堤 巷 長 短 句 中 元 柳 洲 作 調 又是 江 月 一 葉 扁 舟 數 聲 柔 櫓 隄 覺 紅 塵
遠 六 橋 三 塔 恍 然 圖 畫 中 見 嬌 窟 詞 西 湖 調 風 夕 入 扇 柳 風 殘
酒 點 衣 花 雨 斜 陽 介 香 詞 西 湖 調 尚 金 門 云 柳 外 晚 來 船 集 波 底 夕
陽 紅 徑 月 溪 集 錢 塘 記 恨 調 水 龍 吟 云 晚 來 江 閣 潮 平 越 船 吳 榜 催
人 去 東 澤 綺 語 信 錢 塘 北 關 舟 中 調 子 底 修 簫 鶴 云 小 小 船 窗 香 雪
照 尊 姐 隨 潮 百 詠 西 湖 錢 春 調 江 神 子 月 底 修 簫 鶴 云 小 小 船 窗 香 雪
空 同 詞 湖 上 調 苦 蘆 蠶 云 駐 馬 絲 楊 陰 酒 樓 三 月 春 碧 山 樂 府 次 周
公 蓬 故 京 送 別 調 三 妹 媚 云 夜 山 高 江 淺 又 月 落 帆 空 酒 醒 人 遠 彩
袖 烏 絲 解 愁 人 惟 有 鬪 歌 幽 婉 梅 尾 集 漁 浦 有 感 調 綺 羅 香 云 斜 照
帶 一 縷 新 愁 盡 分 付 暮 潮 歸 去 江 村 遺 夢 半 闌 堂 賦 春 雲 調 玲 瓏 玉
云 風 窗 浙 敘 夢 驚 錦 帳 春 嬌 是 處 貂 裘 透 跋 任 尊 前 回 舞 紅 倦 柔 腰

友古詞西湖調浣溪紗云虛掉玉釵驚翡翠緩移蘭棹趁鴛鴦石屏
詞寄豐宅之調賀新郎云錢塘風月西湖柳渡江來百年機會從前未
有竹齋詩餘湖上調鵲橋仙云黃花似鈿芙蓉如面秋事淒然向晚
于湖詞元夕調憶秦娥云多情又見珠簾揭曉人不放笙歌歇笙歌
歇輕烟曉散帝城宮闕和清正詞調西河云都會地東南上氣須記
龍盤鳳舞到錢塘瑞烟回起畫圖彩筆寫西湖波光浴漾無際花草
粹編羅志仁賦四壁觀調覽裳中序第一云記舊日
會遊翠輦青紅如寫便面帳下鵲池荒放鶴人遠

南宋雜事詩卷六

南宋雜事詩卷六

南宋雜事詩卷七

仁和趙信意林

帝都繡錯列山川
警蹕初聞鳳詔傳
從此六飛臨幸後
七朝都屬太平年

葛豐帝都賦序云錢唐據東南之都會號天下繁盛之樂土山川之秀麗并邑之浩穰人物之豐景槩之美考按國籍見於前人之稱述備矣
因雖其大略總而賦之 淵鑑類函宋高宗定都臨安詔曰昔在堯武
之興雖定都於洛而車駕往茲見於前史者非一用能奮揚威靈遞行
天討上繼隆漢朕甚慕之朕尚祖宗之休克紹大統夙夜危懼不帶厥
居比者巡幸建康撫綏淮甸既已申問邊圉獎率六軍是故復還臨安
內修政事繕治甲兵以定基業非厭雨露之苦而圖宮室之安也遂定
都故今以臨安府為行在所 朝野雜記高宗六飛至錢唐觀表裏江
湖之勝嘆曰吾舍此何適呂頤浩言曰金人專以聖廟為定今蹕蹕
錢唐足避其鋒矣帝意遂決人皆以偏安畫素捨不以重負浩成之地
艮山門外曉風尖
玉輦低遮錦軟簾
佳處但從東麓望
一方新綠畫春奩

南宋雜事詩卷七

宋史紹興十二年王輅成前有橫軾後垂錦軟簾

歲寒堂集艮山東麓南渡宸遊看新綠之處

青燈如豆夜書開
蒸餅嘗教市得來
著就公餘詞一卷

落花繁草憶蕭臺

北窗奕輟云姚進道在太學日每夜必市兩蒸餅未嘗食明日輒以餉
齊僕同舍皆怪之予詔問曰公所市蒸餅不食徒以餉僕何耶進道曰
固也某來時老母戒某之學中夜間饑則無所得食宜以蒸餅為備某
雖未嘗饑然不敢違老母之戒也市之如初進道名進堯華亭人所著
有蕭臺公餘詞詞綜作錢唐
人名見咸清臨安志進上表

電窗窈窕燭花明
蓮漏傳籤已四更
輾卷不知雙目痛
親持玉管賜佳名

揮塵後錄高宗諭宰臣云王某所進兵餉甚佳朕連夕觀為目痛賜其書名曰樞庭備檢

王輦當年幸翠岑
親書小字是泥金
紫駝尼裏檣蒲錦

貝葉傳來盡梵音

湖山勝槩高宗嘗幸薦福寺吳太后手書金剛經有楊太后跋及高宗御書心經並刻石藏下天竺靈山塔下齊東野語思陵妙悟八法訪求法書名畫故紹興內府所藏不減宣和

清賞堂前按管絃至尊偏喜杏花天教坊嘌唱無由入
供奉空傳何總憐

南宋故都宮殿記翠寒堂粵綠華堂瓊秀堂請賞堂 齊東野語太后最知音極喜歌木道人者以歌杏花天遂補教坊都管 藝流供奉志

兩回斤斧赦蒼官淮海新詩動玉鸞從此月波亭上望
綠陰仍作畫屏看

靈隱遺事靈隱寺僧元璽號淮海寺有古松大數十圍與月波亭相對史稱達道人伐松淮海作詩云夫夫去作棟梁材無復清陰覆綠苔惆悵月波亭上望夜深誰有鶴歸來 出房隨筆穆陵在御園貴妃父良臣起香火功德院欲於靈竺下伐松供屋材淮海又作詩曰不為栽松種茯苓風綠山色四時青老僧不為移松去留與西湖作畫屏詩徽於上遂命勿伐

南宋雜事詩卷七

二

佳識昭然可不疑歡聲父老望旌旗仁和門外江東道
馬首聞呼趙不衰

揮塵後錄高宗自建康避入浙東至蕭山有列拜於道側者獨其前曰宗室趙不衰上大喜曰符兆如此吾無憂矣 是時選御舟篙工有趙立畢勝之戲

黃閣優閒塞責餘千函日攬四方書緘題併字如忘却
遠道空勞使者車

宋史紀事本末陳自強為相言路阨塞有泛論君德時事皆取其陳熟緩慢略無撓拂者言之或問之則愧謝曰聊以塞責耳 又陳自強貪鄙四方致書飽必題其緘云某物若干併獻凡書題無併字則不問

內使龍茶宣賜回班荆館為使臣開湖山景物家鄉地
幾度迎風喚筆來

武林舊事北使到闕賜御筵於班荆館傳宣撫問賜龍茶一斤銀合三十兩 入蜀記班荆館者北使宿頓及賜燕之地距臨安三十六里

惺史施宜生聞入也有僧相之日向有勳骨可公可卿子身之毛皆逆
上且覆腕然則必有合乎此而後可貴也龜山僧介之北不數年仕至
禮部尚書時盟好方堅而謀者傳逆亮調兵之事無慮日金來賀正且
宜生爲使至天竺語館使張燾曰今日北風甚勁又取儿間筆扣之日
筆來筆來於
是始大驚

三顧頻煩運幄籌令公帳下領兜鍪笑他帶汗南奔日
還憶軍中借木牛

龍洲詞贈殿帥郭景云細柳營開團花袖窄人指汾陽郭令公案果似
侏胃黨開邊時統兵北伐者 宋裨類鈔素秦開藏間郭倪位殿嚴自
謂臥龍復生酒後軒詠三顧頻煩兩朝開濟陳景俊爲軍清議之日木
牛流馬則以煩公既潰自度不復振對客泣時彭法傳師在坐日此帶
汗諸
葛也

雲龕居士老詞人陰得官梅托興新不忿開遲怨風笛
酒邊記唱漢宮春

小學紺珠南渡三詞人李邴汪藻樓鑰也 能收奮漫錄李漢老建炎
末自簽書樞密遷知院二三月而罷爲梅詩托意云綿霜應雪愈開遲

南宋雜事詩卷七

三

風笛無情抵死吹盟誓未成心尙苦不甘桃李傷疎籬 王熙新志漢
老少口作漢宮春咏梅贈衆人口所謂問玉堂何似茅舍疎籬是也政
和中王黼爲相忽招至東閣開宴出其家姬十數人酒半唱是詞數日
有館閣之命 案卽號雲龕居士任城人紹興初參知政事卒諡文敏

小步宮門日影殘青青楊柳望中寒行朝臨遍蘭亭石
得似先皇墨未乾

蘭亭考紹興初遣中貴衛茂實交河南地界是時講好之初使人往來
中郎宮闕尚容觀瞻衛因與同事趙彥恬遍歷其間至一閣壁度上有
小匣藏皇御筆題云真定武蘭亭壁有十軸遂置其匣袖之以歸使回
各藏其一餘皆上之九重 珍珠船紹興乙未六月思陵常臨袞序賜
刻劉光世子堯仁進之
孝宗親酒宸翰於後

敢於紅旆笑儒酸綠鬢青衫蚤聽宣擬得策題學士院
內批左藏賜餐錢

玉堂雜紀試文多在學士院內侍首差官一員充監門前一日學士宿
院進策題候內批依次早乃引試支左藏庫錢三十緡充餐錢周必大
以秘書少監寓直翰苑發策當賦詩寄程同年云當年給札踏金鑿重
到依然九月寒學士策詢學士策秘書官試秘書官自隣緣鬢非前度

尚書考衫總一般寄語浙東
穉閣老莫於紅旃笑儒酸

牡丹秋影曉霏微自賞湖光近釣磯還與蘇隄漚鷺約
不將五組易蓑衣

江湖長翁集詩春光陸續委東流看到湖邊安石榴更與蘇隄漚鷺約
辦舟來賞牡丹秋自注俗目芙蓉為秋牡丹 雲莊四六餘話周益公
謝宮祠表曰晨趨鳳闕緒五組之
光華夕侶漁舟披一蓑之藍纓

降封麻卷閤門通熟狀親承鎖院中儼直自來知制誥
詞頭日日看屏風

玉堂雜紀內封名色不一儼直時或未詳其體院吏必以片紙錄舊作
於前謂之屏風兒 又凡鎮院或親被旨或受熟狀即闕門閤門即
報御史赴文德殿聽麻牋卷自內出宣贊大聲誦首尾
詞及增位姓名下數句并所除之官而讀之不盡宣也

莊嚴雕飾紙衣僧蓼葉芹花滿鉢稜一自翠華行幸後
袈裟金縷伴禪燈

南宋雜事詩卷七

四

四朝間見錄觀音高五丈大本日本國僧轉智所雕轉智不御煙火止食
芹蓼不衣絲綿常服紙衣號紙衣和尚高宗借憲聖嘗幸觀音所靈聖
製金襴衣以賜之及掛體僅至其半遂再
製衣以賜 案五丈觀音在龍山勝相寺

紹興誰念舊封疆黃閣歸來錢滿囊愛殺當時髯吏部
裝成千載墨猶香

宋裨類鈔渡江後呂元直作相堂廚每廳日食四千至秦會之當國每
食折四十餘千於是始不會食 又胡忠簡作字勁挺孝宗曰卿寫字
宛如卿為人得卿紹興戊午所上封事真跡太上與朕玩久之太上曰
留為後代式其後為槍批抹汗漬者多朕啟太上令工逐行裁去裝精
之矣 二老堂詩詠胡邦衡多痔
初除吏部郎官或以髯吏部為戲

長日空教掩竹扉雨泥融淨燕初飛劇憐春盡無憂館

乙乙楊花欺客衣

朝天集都下無憂館小樓春盡旅懷二首病眼逢書不敢開春泥謝客
亦無來更無短計消長日且遶闌干乙乙回不關老去願春遲只恨春
歸我未歸最是楊花欺
客子向人乙乙作西飛

延風揖月鎮從容西掖揮豪不再逢贏得竹絲胎髮樣

卽今同受管城封

玉格集試廬陵賈發竹絲筆詩此君素以直節名延風揖月標韻清何人心匠出天巧縷析毫分勻且輕居然束縛復其始卽墨舒朱封管城世門官爵豈必計且幸一家同江青太平清話未時有雞心筆檀心筆小兒胎髮筆猩猩毛筆鼠尾筆頂毫筆或清臨安志張彥實掌制詰揚原仲並居西掖詰詔多張與之潤色間戲成筆一絕云包羞曾借虎皮蒙筆陣仍推雅作鋒末用吹毛強分別卽今同受管城封原仲以爲謂已戀於秦

蕊官宣喚按新歌爭捲珠簾踏舞鞦韆春到十三門裏路

內宮齊著纓金羅

楊太后宮詞新翻歌譜甚能奇宣索蕊官入管吹又聞道蕊官三十六美人爭爲捲珠簾心史宋行在十三門談蒼宋時宮人多以麝香色纓金羅爲衣裙

嬾向橋邊問得仙一蓬秋雪晚漁天歸來迷却蒹葭里

南宋雜事詩卷七

五

暫就僧房借榻眠

西溪梵隱志紹興間有老翁自言姓朱不火食能前知品度蒼然坐榻而化故曰得仙又宋南障湖俗呼河水亦名澗水又曰蒹葭深處沙岸縈迴秋深荻花如雪故其地又名秋雪隨隱漫錄度宗御製晚望詩聽鶯歸烟清秋江挾曉晴老漁閑艤艇坐待月華生

新聲歌罷半含顰曲裏花枝別樣春一盞鶴飛消渴露

軟屏風底笑夫人

南宋相顧周子充之侍妾曰芸香姓孫氏錢唐人清靜謹畏精於女工頗能爲新聲事公於行在所時年十七夢梁錄有一等富家父母兄姊所尚者惟色可取而益具茫然議親者以首飾衣帛加以諸物送往謂之寬衷說略則益公有鴉飛益汗酒則鶴飛乾則滅幸居聽輿周益公夫人妒有勝公盼之夫人廢之庭公過之當暑廢以渴告公以熱水酌之夫人窺於屏曰好個相公爲婢取水公笑曰獨不見建義汗

只管催歸歸計無杜鵑早已叫西湖如何月夜天街上

撥盡琵琶唱鷓鴣

則詩絲昔未前渡李御史粹伯善薩蠻詞云杜鵑只管催歸去知某教
我歸何處 蒙泉詩彙三月十六日西湖問杜鵑詩云碎殺未能那廢
食買山所欲尚無錢 咸清臨安志乾道四年臣僚言今都人靜夜十
白雲吹鷓鴣聲琵琶使一人黑衣而舞眾人拍手和之道路聚觀不可
不驚詔
從之

一枝芍藥倚東風讀得詩書正後宮縱有迎康天賜兆
都綴貴相產重瞳

談者高宗皇后吳氏父吳玠常夢至一亭曰迎康勞值芍藥一枝獨放
一花下白羊一隻后以乙未生高宗為康王時選入宮 朝野雜記
吳皇后京師人也年十四入宮少長封荆興郡夫人上自海道還選才
人又進婉儀時那后在朔庭後宮惟后與婉儀為上列而后讀書萬卷
翰墨絕人白是寵遇日至顯仁太后來歸明年遂正位宮嬪 南宋相
翰墨絕人白是寵遇日至顯仁太后來歸明年遂正位宮嬪 南宋相
眼洪邁云顯仁本會稽人紹聖承相頤致仕居丹陽有遺溝不已築田
為尼嘗給事蘇丞相其妹則顯仁也荷薦登頤相通夕遺溝不已築田
此甚貴非此能住官勳以入京會哲宗擇室女二十人分賜諸王顯仁
在選入端王宮暨即位才一幸而生太上 弘簡錄韋太
后開封人崇甯中入宮為侍御得幸夢神長胎遂生高宗

沙岸波光積翠鋪風標公子下菰蒲不知春曉西湖上

南宋雜事詩卷七

六

梁出南山黛色無

清河書畫筋劉松年西湖春曉圖 高宗御題劉松年畫絕句詩南山
晴翠入波光一派溪聲繞路長最愛早春沙岸暖黍風輕浪拍鴛鴦荷
葉如錢三月時幅巾藜杖一追隨爾
來勝事知多少惟有風標公子知

帝姬金屋自風流奩具封章孰與儔一種貧家深巷女

落花滿地不知愁

却掃篇政和間采周之王姬之稱而改公主曰帝姬郡主曰宗姬縣主
曰族姬公主之號建炎初後之 朝野雜紀故事宗女適人皆內侍與
有司主之以昭穆益疎乃給奩具然有司不時給宗女貧不能行多自
稱不願適者 又凡宗室封女之制使相女封淑入節度使碩人觀察
使令人等身下
皆任子孫一人

不見文章立墓門牧牛亭上泣奸魂東窗事犯須臾事

夜半猶然憶子孫

佩辛齋集秦檜為相怙權時援沮洳化之議殊殺勳舊詆陷忠良死之
日詔張神道帥士大夫無肯執筆者 山堂肆考檜墓在建康墓上豐

碑屹立不獨一字盡當時士大夫鄙其為人兼投物議故不敢立神道
碑野客叢書金陵牧牛亭秦檜丘瞻在焉有移忠旌忠兩寺相去五
里金碧相照楊誠齋過之題詩於壁雲蕙淡墨岳侯之獄以檜妻王氏
一言而死有押衙何立者檜命往東南第一峰勾斡恍惚人引至陰司
見夫人帶枷備刑楚毒難堪語立曰告相公東窗事發矣押衙復命言
其事檜駭數日亦死按丘氏遺珠有方士伏章見檜與王侯俱
荷鐵枷檜屬方士曰可煩傳語夫人東窗事發矣此說與此不同鴻
慶居士集載秦會之跋後山集後有云病起聞雞唱不寢書此以付墳
堪按墳堪
秦檜二孫也

松柏青青繞分臺麪基彩段紙錢堆拜墳兒女悲霜露
莫向菩提拭淚來

乾涸歲時記祀先例用時果彩段麪基程氏遺書拜墳則十月一日
拜之威霜露也寒食又從常禮祭之飲食則稱家有無滄洲集菩提
寺詩一畝方塘幾劫灰哭聲未了笑聲催六橋煙柳相逢處半是菩提
拭淚淚來自註菩提寺臨安人火葬之地按寺在錢唐門外今廢
紫花羅服稱風流花散東風暖氣浮莫使蚤梅欺晚杏
一般春色有清愁

南宋雜事詩卷七

七

淵鑑類前宋高宗紹興二年賜吳益紫花羅公服林下詞選梅嬌杏
情俱未吳七郡王姬工詞翰常賦詞相讓梅嘲杏滿庭芳云杏花何太
晚遲疑不發等待春深杏嘲梅滿庭芳
云梅花何太早蕭疎骨肉葉密花稀

菱角香薰紫繡裾瑤津小艇採芙蓉花前坐賭長歌罷
贏得寒光水玉魚

稗史彙編慶元吳監稅菱角香乃不假印手捏而成乾涸起居注道
熙六年三月太上太后並乘步辇官裏乘馬遍遊園中再至瑤津西車
入御筵談嘗南宋宮人有寒
光水玉魚係楊太真潤肺物

湖上清遊佛子家粉雲酥雨壓楊花今朝妙出春風手
六一泉京雙井茶

清苑齋集孤山寒食詩二月芳菲在水邊旅人治困總隨綠綺舒雙翅
初勻粉雨壓楊花未放綿朝天續集以六一泉煮雙井茶中有句云
細茶六一泉中味
故有涪翁句子否

重門鐵葉鎖金環只戀鉤春柳幾彎如此江山亭在否

精能圖上看名山

吳越備史杭城凡七十里門凡十皆金鋪鉄葉用以禦侮諸門皆有星
橋惟艮山門獨無 無壞小集湖上觀柳偶記龍泉先生勾春柳一絲
之句感而有述云斷棧無葉又無枝得似勾春柳一絲不是畫舫棧
處自鷗飛下立多時 七修類彙杭城舊有如此江山亭在吳山天竺
觀此乃米遺民有爲而作也 清河書畫舫王維精能圖在紹
興祕府前有思陵御題乾卦紹興小壘按精能者名山之目也

宜雨亭邊趁晚陰春風流水海棠林酒闌睡醒圍千葉

人在紅雲無處尋

武林舊事張功甫衆妙峰山內有宜雨亭種千葉海棠二十株夾流水
誠齋集櫻張功甫留中海棠有約齋妙出春風手人在中央花四旁

驅蝗無法老農嗟穰種風香稻試花賽社不須祠莽將

滿腔新水聽鳴蛙

脚氣集朝廷禁捕蛙以其能食蝗也 居易錄南宋劉漫塘
宰爲噤神劉金壇人有專祠往祀之則蝗不爲災俗呼莽將

錦塢山中花滿川雲煙四壁畫前賢遊人不盡傷今昔

南棗雜事詩卷七

遙望孤山放鶴仙

咸酒臨安志建炎初始建錫塢菴紹興二十一年額治平寺有閣三間
面揖孤山扁曰煙雲四壁舊畫古賢像今尙存李鄴侯白文公趙清獻

張忠定范文正
蘇文忠諸公像

芸籤玉勝落枯蟬祕省龍章品再三鈿匣金題誰拾得

盡隨花鳥散江南

松隱集新建祕書省呈李祕監詩道山賢絕人推藏聖德重興接耿光
招隱稍來周俊造細書行見漢天章持簪玉榜昭新渥插架芸籤識舊
香喜見諸儒在天祿嘉謨應欲贊時康 筆叢宋清熙中聚書至四萬
四千八十六卷陳騷等四庫書日後屬增益至五萬九千餘卷 中興
館閣續錄南渡後祕閣所藏徽宗御題畫三十一軸 又圖畫一百八
十七軸御府續行降付并舊藏九百一十一軸嘉定三年并用都堂印仍
於書背用祕書省印及名賢墨蹟一百
二十六軸一冊續行降付八十九軸

竹廊風細裊茶煙御餅龍文宮女煎昨夜外臣貢新茗

金奩拜賜紫雲鮮

瀛奎律髓梅聖俞建溪新茗詩有云粟粒烹甌起龍文御筍嘉註南渡後宮禁燻御日所飲用卽此品 妙氏後語紹興進茶自高文虎始沼水集茶詞歲貢來從玉壘天恩拜賜金奩春風一聚紫雲鮮明月輕浮齋面想見清都絳闕雍容多少神仙歸來滿袖玉爐煙願侍年年天

莫把杭州作汴州山河牛角爲誰謀西湖水石無情況

縱少蘆花也是秋

舜聖志金人商侵高宗奔杭有人題詩吳山子胥祠云遷杭不已思

唐牛角山河日入尖 四朝聞見錄高宗六龍未知所駐觀錢唐表裏

湖山之勝嘆曰吾舍是何適 弘備錄黃當嘗從郭雍朱熹學嘉熙期

之累官大理寺簿憤時不樂聞行西湖慨然嘆曰我昔在南北山一水

一石無不品題今無復清況何耶 梯水集湖亭之勝大似江上但無

蘆葦二月二十日移植數千本詩云六年春色山前雨摩詰無聲句裏

秋已是湖山無限好 更栽蘆葦伴輕鷗

書長紅紫競含芳繡錦亭邊鬪草忙妃主一時齊掩口

輸他內侍嚼生薑

南宋雜事詩卷七

九

乾道歲時記二月一日中和節排挑菜宴預瞻花斛上植生菜齋花諸品以金篋挑之賞則珠玉金銀對則陰詩念佛飲冷水吃生薑以資戲

笑 故鄣宮殿

考有綉錦亭

七插高鬟末利花茜鷄螭雁巧筵奢樓中妝點嬌兒女

荷葉新裁半臂紗

乾道歲時記茉莉初出之時其價甚穹婦人篋帶多至七插所值數十

奈不過供一餉之擘耳 又乞巧小兒女多衣荷葉半臂設茜鷄螭印

禽雁水

試罷尋春上翠樓雙鬟半嬋聽歌喉燭花紅篆揮豪處

從此佳人喚狀頭

夷堅志洪邁試詞科出院同試者五人至抱劍街娼孫小九家置酒於

小樓而獨結花若連珠孫曰今夕燭花呈祥其爲登第可證願各賦一

詞洪詞臨江仙有云釵頭小篆燭花紅直須將喜事報主人翁桂月

十分春正半廣寒宮殿匆匆如娥相坐曲欄東雲祗知不遠平步躡東

風果奈

名得第

手把青芝說舊恩
雪香亭畔掩啼痕
宮花零落收銀鑰
卸下歌妝出禁門

蘇香亭 宋宮人有青芝雙乳如意是六朝宮人所遺 禁局有花光亭
雪香亭 雲泉詩集寄行宮監門王以道詩云玉鉤簾外前朝柳絮鴨
關邊小艷蓮莫道君王不曾問好收銀鑰護宮花 朝野雜記李王二才
人俱明艷高宗愛之及上賓憲聖每見之常感嗔孝宗聞之特許自便

空王不管有情痴
一晌貪歡醉酒卮
盪盡深閨兒女淚

玉釵何處寄相思

玉照新志張安國春日諸友游西湖至普安寺於窗戶間得玉釵半股
青缺半文想是遊人歎洽所分授偶遺之者各賦詩以宛其事王明請
詩云燒空寶細初分
際愁絕清光欲破時

紅燈綠幕近黃昏
幾醉藍橋風月鐫
新樣杏花高髻子

衣香綵繚進歡門

武林舊事元夕諸妓夜賣各戴杏花冠兒危坐花架又諸色酒名吳府
藍橋風月 夢梁錄食店門首以枋木及花樣香筵縛如山棚窗牖皆

朱紱五綵裝
節謂之歡門

南宋雜事詩卷七

十

思陵八法果堪珍
絹本親披草洛神
閣古堂中十二帖

笑他婢又學夫人

清河書畫師思陵洛神賦絹本大行草書後署德壽宮書 玉照新志
木元章帖十二冊各以其類為冊如手簡家書詩文各分類聞是韓氏
曹故物中間韓魏公家置池詩各有關古珍玩大印其後歸史衛王府
雪舟勝語婢之婢世謂之重臺羊欣書似婢學夫人米芾學飲書故
高宗謂米字為重臺 思陵八法事見前 皇明文徵譚大年高宗遺
墨詩摩挲五十四驪珠 斃勝滕王蛟蝶圖閣 帳彩雲飛不盡至今遺恨

滿西

拘沒皆歸南庫藏
須還御筆煥天章
宮亭西畔悲家市

瓦屋江州是故鄉

金陀續編木部據江州申見在岳飛田產屋宇等有人承佃田三頃一
畝地九十一畝水磨二所廩房瓦屋共一百五十一間岳家市見今
只存六十間地基屋宇共二百九十間奉聖旨令給還 又前後被受
御筆手詔無慮數百章不幸為權臣厚誣悉被拘沒今聞見在左藏南

庫架閣比蒙詔太常議諡而木家別無文字可以稽考欲望朝廷給付
木家參考庶使子孫久遠珍藏奉聖旨令左藏南庫搜檢給還 玉楮
集初還故居詩元是廬山莫逆交宮亭西畔着衡茅盟鷗似怯經新浪
怨鶴還知宿故巢一沼種蓮衣可製萬竿脫籜扶輕敲不須悔若猶然
笑乞與杯
堂樂芥均

台星朗耀紫垣中賢牧堂前像已工衮冕師王生意在
柳洲更與坐龍宮

雙槐歲抄會稽郡治有賢牧堂趙師巽帥浙東使門吏陳詞乞增已像
四朝聞見錄湧金門柳洲龍王祠師臣趙師巽重漆五王衮冕珪服
畢具其中三像一模韓侂胄一摸陳自強一摸師巽時韓陳猶在臺臣
惟於疏中及師巽自貌其像不敢斥韓陳云 又閱禮時政府惟有陳
自強居相位民謠謂之天
上台星少人間宜幹多

孤峰西轉水東流風月臨平動客愁幾處桑麻邨舍外
漁姑多住藕花洲

咸淳臨安志臨平山上有塔有龍洞細礪洞有天井下有東嶽廟晨星
觀峙立兩旁又有藕花洲即鼎湖也 沈金部汝諧詩有山勢分明欲

南宋雜事詩卷七

十一

水竈孤峰西轉
鬱嵯峩之句

故宮忽見舊冬青一塔如山雪涕零欲訪影魚香骨案
更從何處叩英靈

惺菴小乘至元間得南國有總統者發掘先宋江南陵廢其間金寶不
可勝計取梓宮中尸體置於故宮殿基上建石塔壓之以厭勝江南人
凡宗廟神主人民版籍皆置於其下高一十三丈 解醒語西橋楊璉
正伽啟掘宋帝諸陵寢徽宗陵得走馬烏玉筆箱銅京縷網管高宗陵
得真珠毳馬鞍光宗陵得交加百齒梳香骨案理宗陵得伏虎枕穿雲
琴金貓睛為徽宗所石為軫綠玉碧楊貴妃物度宗陵得五色藤絲盤
影魚黃瓊扇柄按元史楊璉正側為江南釋教總統發掘
故宋諸陵之在錢唐紹興及其大臣眾墓凡一百一所

內殿傳來宴近臣酒酣歌罷笑宮嬪當前欲乞詞人筆
香霧輕飄解領巾

齊東野語孝宗內宴酒酣
內人以帕子從曾觀乞詞

一團寒月白鱗鱗太史占來上瑞新後苑已圖耕織事

民間又見踏犁陳

近異錄慶元間季冬二十夜月初出時臨安嘉興人皆見其團圓如
望太史奏是為上瑞其地當十年大稔 玉海景德二年內出踏犁式
付河北轉運使令詢訪民間可用則官造給之 又紹興中樓璣畫耕
織二圖四十五章為五言詩四十五章高宗召對以進呈宣示後宮

定帖初來彩盒呈筵前最喜寶釵橫含情一樣春閨女
多少羞容受壓驚

夢梁錄伐柯人兩家通報擇日過帖各以色綵襯盤安定帖然後相親
又如新人中意即以金釵插於冠髻中名曰插釵又若不如意則送
綵緞二元謂之壓
驚則姻事不諧矣

酒衣簇蓋盡銷金綵幣紅羊報吉音鬚掠巾環相荅外

一罇魚水用心深

夢梁錄媒氏往女家報定加以雙羊牽送以金餅酒裝以大花銀方勝
紅綵銷金酒衣簇蓋酒上 又女氏即於當日回定禮以珠翠囊掠阜
羅巾段七寶巾環 又用金銀打造魚箸
以綵帛造像生慈雙株挂於魚水罇外

南宋雜事詩卷七

妓樂迎來樓橋前雙擎寶鏡照團圓兒童拾果攢花斗

爭乞攔門利市錢

夢梁錄至親迎日借官私妓女及樂官鼓吹引迎花燈子或樓檐花籃
輦前往女家迎取新人 又冠擇官扮花斗盛五穀官妓女互
撒小兒爭拾之謂之撒穀豆以壓青陽煞耳
念詩詞攔門求利市錢 又新人下車一妓女倒朝車行捧鏡

青花氈上步紅蓮佳兆乘龍跨錦鞵百子帳中看合髻

綵絲雙結兩心聯

夢梁錄新人下車左右女使扶持而行踏青氈花席上先跨馬鞍背平
秤而過 又男左女右結髮名曰合髻 又禮官請兩新人出房泰安堂
男執槐筒掛紅綠綵縮同心結倒行
女拄於手面相對而行謂之牽巾

塗金貼套蜜油缸還送花冠鴛蛋雙親串三朝餽女後

並肩絮語坐紗窗

夢梁錄三日女家送冠花綴鴛蛋以金銀缸兒盛油蜜頓於盤中四圍
撒帖套丁膠於上 又女家或於九朝內修廚往婿家致酒謂之餽女

歲晚西廬冷不禁風餐雪嚼惱詩人清寒仙境非人世何處能回腸谷春

誠齋集左藏南庫西廬下紙閣負喧戲題左裕大禁清寒非人間有也而庫官孔仲占汲季承史伯載心匠天功劫一火閣不薪不炭煖亦非人間有子以小腸谷名之且賦絕句水衡仙客任冰天雪囂風餐更禁烟不具形來小腸谷老夫東折兩詩肩 案左藏庫在清湖橋

銀榜恭書幸翠華玉壺私酒愧官家三千庫米都蠲却

一任東風轉柳花

老學菴筆記德壽宮德壽殿皆壽皇御書旁書臣某恭書四字 惺史右正言袁學論北內有私酣光堯怒孝宗諭曰太上怒甚昨日方寢太上賜酒一盞親書德壽私酒於上 恩陵錄四月庚辰國忌行香運司令承受券每糧米五石內二千石御前酒廬三千石德壽庫內批德壽宮三千石更不供納遂由中書省照會 武林舊事壽皇承歡兩宮揚誠齋詩云長樂宮前望翠華玉皇來賀太皇家青天白日仍飛雪 錯認東風 轉柳花

南宋雜事詩卷七

七

白練分馳滾畫毬毬門高築殿西頭芙蓉秋晚誰先得爭唱紅旗第一籌

玉海高熙四年命開門稽太宗朝擊毬典故仍先習儀詔擊毬御朋是日三少使相缺收已下各分明侍立上閱毬門回馬御殿皇太子下海賀 續資治通鑑高熙四年九月開城毬門還德殿 周忠大年 譜同李執赴芙蓉閣觀擊毬內裏選德殿有御製詩吳穹垂佑福羣生 涼德惟卿監守成禾黍三登占叶氣籥韶九奏播歡聲未央秋晚休嬉 靜太液波闊殿閣明嘉與臣鄰同燕樂益修庶政咨玉平 宋史有司 除地東西為毬門加以采績承旨二人守門衛士二人持小紅旗唱籥 御龍衣錦繡衣持歌舒棒周備毬場東西建日月旗教坊設龜笙樂於 兩節鼓各五箇門預定分朋狀取親王近臣駙馬都尉以下悉預鼎異 色繡衣左朋黃欄右朋紫欄烏皮鞋冠以華插脚折上巾天院院供馴 習馬帝乘馬出教坊大台涼州曲馬皆結尾內侍發金合出朱漆毡擲 殿前通事舍人奏云御朋打東門帝擊毬教坊作樂奏鼓毬既度隨旗 鳴鉦止鼓帝回馬從臣奉觴上壽貢物以賀始命諸王大臣馳馬爭擊 毬門兩旁置纛旗二十四而設虛架於東西階下每朋得籌卽插一旗 梁上以箴之帝得籌樂少止從官呼萬歲群臣得籌則唱好得籌者下 馬稱謝又有步擊者乘驢驢擊者時令供奉者朋戲以為樂云 武林 舊事築毬左重一十六人 出頭張俊曉毬王憐等

特設山林高士寮常從講易問道遙一朝杖履紅塵去
琴韵松風久寂寥

因朝聞見錄孝宗聖性超詣尤精為景時詔山林修養者入都真之高
士寮人因稱之曰某高士有詢高士以從臣薦講易於宮中孝宗問以
老莊之學易如剛最後灑掃高士堂亦稱高士無甚異惟善於趨謁陸
三山因齋宿升宮扣其廬有三蒼童對弈聞松風間有琴絲某女聲陸
公心美何異神仙扣童頭見高士童答以高士已出去某御藥處陸因
歎曰高士亦見御藥耶笑而出高似孫正誥序云易如剛太乙高
士也號王

京外臣

歌吹年年豐樂樓春晴三十六梯遊千官塔下題名姓
風景依稀似汴州

湖山勝槩豐樂樓為詞紳同年會群鄉會之地絕妙好詞韓鵬浪尚
沙豐樂樓詞云紺色草初青鳴鵲波輕試花暮雨溼春晴三十六梯人
不到獨喚瑤箏 艇子隨逢迎依舊多情未門只合鎖鳩婦却逐彩鸞
歸去路香陌春城 江左十五子詩註煙霞洞口千官塔刻南渡諸臣
名姓

南宋雜事詩卷七

古

初開棘院立新科別取名流博學多底事分經誇蕊榜
傳來謬種竟如何

日知錄高宗立博學宏辭科凡十二題制詔誥表露布檄箴銘記贊頌
字內雜書六題分為二場每場體制一古一今南渡以後得人為盛多
至則相誇苑者 宋史各房分經始於理宗紹定二年 又理宗朝有
詞命題詩翰發策用事說神所取之士既不精數年之後復命主文時
鍾流傳

天章燦爛半山霞白石清泉有道家誰到永和尋石鼓
多從水甕看桃花

咸書臨安志阜亭山甯宗御書三字為扁有崇善靈惠王祠名半山祠
旁有水甕及桃花鴨 又放陶孫詩無路縈運入翠微清泉白石可忘
機雲中火吹劉安過樹紗襟深望帝歸 又桐扣山在臨平山之西晉
武帝時岸邊出石鼓擊之無聲張華取蜀桐木刻作魚形而扣之聲聞
數里 抱拙小囊市井蕭條景物非居
人猶號永和境永和堤即臨平驛也

燦錦亭前淪茗香卽看百戲列迴廊影花扇底招關撲

分取金錢松子量

乾清起居注乾道三年三月車駕與皇后太子過宮起居二殿訖先至
燦錦亭進茶 夢梁錄大街鬪撲如滿庭扇初異色影花扇 老學菴
筆記市人有以博戲取人財者每博
必大勝號松子量不知何物語也

九仙有夢順人情臚唱傳來互有名魚雀不同松栢貴
自然公自不如卿

勇膽小品陳僕射俊卿謁九仙祠問功名夢山曰前程在黃公度口陳
過黃黃曰我狀元子榜眼陳曰何尊已而舉人黃曰然則狀元兩榜眼
我廷試黃果元陳榜眼高宗曰卿士可奇黃曰披綿黃雀美道印子
魚肥陳曰地瘦栽松拍家貧子讀書高宗曰公不如卿改陳為元

堂花看罷冶遊歸去逐西陵燕子飛衫紫紛紛裁御愛
鬪將春色上春衣

癸辛雜識有馬瞻堂花 燕翼詒謀錄中興以後行都貴賤皆衣
黝紫以赤紫為御愛紫無敢以為袍衫者獨婦人以為衫襖爾

柳堤紅舫宜魚口煖殿春燈點蟹胥聞道民間供汎索

南宋雜事詩卷七

吉

菌了昨夜又新除

蟹譜嘗見監御厨王染院云御食經中亦有莫蟹法但不常御賜命則
進 又錢唐置魚戶蟹戶專掌捕蟹 王惺集蟹至正月重出謂之
看燈蟹 夢梁錄非時取喚謂之汎索 菌譜台蕈產於台州嘗進
上標以台蕈上遙見謂讀合蕈因系誤既充苞貢遂以此冠於諸菌

桃柳春工費主持妄遭蒲縛笑無知橫行介士風流甚

西子湖頭作判司

夷堅志步司將飲訓練五更至錢湖門覺有物觸其足取視則一巨蟹
長二尺形模怪醜命卒執送於家坐假寐夢一人長髮容貌可惡淡綠
袍軟履黑鞵烏犀帶持手
版擔曰某乃西湖判官

月課曾遺政府羞當時穢德有箕裘斬新節帖開言路

湖上平章十六秋

宋史紀事本末以陳自強為右丞相言路阨塞每月按舉小吏一二人
謂之月課 又似道既相引薦奔競之士又引外戚子弟為監司郡守
進倡優奉帝為游燕臺臣有諫者宣諭使裁去謂之節帖 忠肅公集
賈平章故第詩豪華旧沒幾星霜廢宅空遺孔道傍跟跡印塵盈故榻

燕巢經雨落空梁紫雲影斷人千古金花殘
夢一場世事興衰只如此略難不必怨斜陽

當年富貴付猴形飲博場中幾醉醒相法若應為太守
可無萬里嘆伶行

齊東野語賈似道少日有人善相一日來值其跌臥因嘆惜再三私語
客曰相公貴極人臣而足心肉陷是名猴形恐異時不免有萬里之行
又徐謂禮自誇閱人多奇中與賈似道為姻賈年少荒於飲博其生
母均夫人苦之扣徐云君相法言之何如徐曰夫人勿多憂異日必可
作小郡太守

曾因神馬駐三軍香火南來第一勳廟貌忽為丞相怒
居民空自殺王雲

南渡餘高宗徽宗第九子也封康王靖康之變資於金與金太子同射
康王三矢俱中以為此必擇選宗室之長於武藝者冒名為此留之無
益遣還換真太子來高宗得逸奔竄疲困假寐於崖府君廟中夢神人
曰金人迫及速去之已備馬於門首康王驚寤馬已在側霜暗霧鬣昂
然翹立躍馬南馳既渡河野馬不復動下視之則泥馬也 宋俾類鈔
高宗至磁州宗忠簡假神蓋以止之曰此有崖府君廟甚靈可以卜玻

南宋雜事詩卷七

六

有馬更顯應遂入燒香其馬啣車轡等物塞了去路遂止不往一日北
使來奏繪出按少憩廊廡上告以故檜曰余以為功今都歸功於神恐
不便即日毀之 宋史紀事本末王雲副康王使金宗澤迎日肅王一
去不返大王復去何益願勿行王出謁嘉應神祠雲在後民遮道諫王
勿北去厲聲指雲曰真賊也因執雲殺之 考湖州府誌南潯兩冊建
炎二年金人陷楊州高宗幸金人追之帝至尋懼追者見及匿嘉應
神祠中月下伏見泥馬忽動跨之而行遂入杭州舊封康王寺今衰能
教寺俗孚康王寺按高宗從未至湖州此載或恐有誤 案顯應觀祀
崖府君在
庚金門外

乞將主簿玉雙瓶淪水風前上雪亭飲取第三春真好
解從官柳醉微醒

平園集周必大胡邦衡生日以詩送北苑八勝日鑄日甌日賀客稱觴
蒲冠霞鬱知酒渴正思茶尚書八餅分園陪主簿雙瓶揀越芽妙手台
調金鼎鉉清風穩到玉皇家明年勅使宣臺醜莫忘幽人賦紫嘉 省
齋稟賦詩謝送賜茗復以丙申小春四筵寄贈詩云浩幽人賦紫嘉 省
驛騎星馳渡劍津七祖師泉難話舊八功德水且嘗新雪亭亭處休裝
景火閣前時却可人只恐春從官柳動樂天還欲醉精酒註官柳邦衡
侍婢
名

初聞響盞點葱茶迎酒旋開賣酒家橫笛一聲吹入破
便從竹葉換梅花

夢梁錄今之茶肆列花架安頓奇松異檜等物於其上裝飾店面敲打
響盞 又冬月添賣七寶備茶餽子葱茶 至正直記故宋過府官及
數貢例蒙賜酒却於官府支給以鼓吹歸謂之迎盃 都城紀勝暑天
兼賣梅花酒用鼓樂吹梅花引曲破 曲洧舊聞杭州酒名有竹葉清
碧香白酒 續松漠記聞燕京茶肆
設雙陸局如南人茶肆中置棋具也

江左曾傳定武本宣和殿裏幾回看八千袂帖空留得

璽紙應無似牡丹

蘭亭考定武者乃江左所傳晉人會稽石也 太平清話唐太宗蘭亭
用玉石刻之文宗朝舒元興作牡丹賦刻之碑陰照甯間薛紹彭聞公
厨有石用以饒內視之乃刻牡丹賦於碑陰者遂易之以歸長安大
觀中詔取置宣和殿或云良嶽瑤亭靖康之亂向方珍寶悉歸金獨
此石金所不識遂棄不取建炎初高宗駐蹕廣陵宗澤守東都見之遺
騎疾馳進行在末逾月金南侵大驚幸浙會卒失之紹興中密旨尋訪
竟不獲 芝園前集賈師憲竄遂時朝廷命
王孟孫簿錄其家石刻蘭亭冬至八千匣

南宋雜事詩卷七

七

朝來宮婢藥囊添滿院飛花掩畫簾手把輕羅還絮語
每逢三月病懨懨

神仙通鑑皇甫坦先生善布氣詔位有甄娘娘病瘧累年踊而後訖步
太后命先生亦為布氣即禱踊而行及將還山留一扇於禁中曰有發
寒熱者以此扇當差未幾宮中多患瘧用之皆驗 萬歷杭州府志陳
沂其先汴人扈蹕而南遂為錢唐人嘗治康王妃危疾有奇效賜御前
羅扇凡宮中有疾欲不時召之者聽持扇入禁中金吾關寺皆不
得沮仕至翰林金紫良醫考矣辛雜志紫紗衫羅扇不得入宮

一叢東閣碧琅玕花木陰陰畫影寒但覓隔窗通小飲

嬾從祕省借書看

玉堂雜記學士院東門牌下小池旁植金沙月桂之屬海棠郁李玉繡
球各一株 硯北雜志宋嘉定間著作郎曾從龍請嚴臣獻借書之禁
欲開文籍為檢閱較正等用即先批簿以憑請取俟還本庫隨與點收
或借出已久亦須檢舉不言也
隱遺從祕書監葉禾言也

一奠神輿列祖筵焚香端為奉賓天公家楮券猶傳世

例得堯夫用紙錢

楓窗小牘思陵神輿就祖道祭百官莫哭紙錢差小官家不喜諫官以爲俗用紙錢乃釋氏非聖土所宜以奉賓天也今上抵於地日邵堯夫何如人而祭先亦用紙錢豈生人處世如汝能日不用一錢乎 鼠球楮券聽稱責以傳別特民間私相稱責以爲符驗公家未嘗爲之紹興間錢端禮議令權貨務給降諸軍見錢公據關子三百萬

芙蓉楊柳見梳妝燕子歸來覓錦梁滿目湖山仍似舊
長橋何處弔朱孃

湖山頽葉兵後汪水雲登大內芙蓉閣宮人梳洗處詩有楊柳青青
芙蓉今與真美人不見空原草錦梁雙燕來又去夜夜蟾蜍窺玉屏
水心詩鈔朱孃曲憶昔蘋芽長橋濱朱孃酒店
相爲鄰自言三世充拍戶官施萬斛嗟長貧

又畫簪花技最工涉兒趨奉亦匆匆滑稽把色尋常事
艷段爭如無過蟲

夢梁錄有一等手作出入宅院趨奉郎君子弟爲幹辦雜事插花挂畫
幫涉妄作謂之涉兒 都城紀勝雜劇中先做尋常熟事一段名曰趨奉
南宋雜事詩卷七

段次做正雜劇或添二人名四裝孤老吹曲破斷送謂之把色
全以故事務在滑稽又隱於諷諷故隨便說露謂之無過蟲
乘輦何妨可祀神要將喜怒任權臣六宮歌管春風夜

蕭寺焚香拜美人
齊東野語度宗王子歲有事明堂將登輅雨至賈似道欲少佚行宮使
胡顯祖請乘輦上從之似道必欲去顯祖竟追削顯祖本太常禮官以
女爲美人故至此有旨美人胡氏
追毀命婦告送妙淨寺削髮爲尼

圖畫新翻黃螭箋幃歌山水潑雲煙欲從符印求真蹟
記取書題善雅傳

清河書畫坊思陵行書子美題奉先劉少府新畫山水幃歌黃螭箋真蹟
都穆鐵網珊瑚思陵宸翰下有行書一聯其印文曰善雅蓋宋景
獻太子書而善
雅其堂名也

教駿人皆似九方邊臣重驛貢驪黃使船不用凌波

驥院新編第幾綱

玉海建炎四年詔張院差教駿五十人赴御馬院養馬 又建炎元年招募習水善波陳舟便利之人命撥到軍號樓船軍詔從之 又置州置買馬司必四尺二寸以上每百匹爲一綱 金史粘罕曰南人使船如使馬鳥可敵也

角繻包髻出彤庭任子當年只六齡若到軍中備反側

井泉不獨紀銀瓶

宋史本傳韓彥直世忠子六歲入見高宗命作大字卽拜跪書皇帝萬歲希捐其背曰他日令器也親解孝宗謂角之繻備其首 金陀續編初飛與張俊承詔視世忠軍往辭檜檜謂之曰且備反側備爲此語欲激其軍使爲變因以罪世忠耳飛答曰楚州之軍卽朝廷之軍也檜色變惡飛語直 湖孺雜記銀餅小姊者岳武穆季女也武穆被難女欲叩關上書選卒攔止之遂抱銀餅墜井而死 按孝宗初追復武穆原官以禮殉葬訪求其後樂子錄用釋釋以之皆官之女小者侯家則官其夫武穆有女安孀女夫高祥補承信郎岳雲女大孀岳雷女三孀候出嫁日夫客與補進武校尉俱載在金陀粹編中則銀瓶小姊殉孝而死甯不經御旨追贈且岳列爲武穆孫而編中曾不一及之耶

紅頰香孩梳鵝角青鬟嬌女簇牙魚落花軟襯春趺小爲看風光九十餘

南宋雜事詩卷七

五

留青日札宋高宗中剗童髮必留大錢許頂左右束以綵繒宛若博焦之狀曰鵝角 魏知錄近世中都閭閻鬻冠飾者率爲物象鵝一角而兩足鳥翼而鵝尾通國眼之謂之牙魚 蔬林俊山南渡後妓女空縷弓鞋如真人故當時有蘇州頭杭州脚之謬

童夫人尚有童心雪色獅貓愛護深堂上甍甍春不管

伺他風颭臥花陰

老學菴筆記秦檜孫女崇國夫人小名童夫人愛一獅貓失之遍索不得 或言臨安志都人蓄猶長毛白色者名獅貓蓋不捕之貓徒以觀美持見 貴愛

糖霜水飲涼生齒暖閣春回乍減寒昨夜宿醒猶未醒

又聞宰相罷堂餐

南宋相眼唐麟見蔣岫尙書家子弟言理宗丙申四月乍暖飲糖霜水過多頓甚汪之道有異謀欲奉上爲太上皇賈似道聞之密告其姊貴妃轉聞亟逐之 宋季三朝政更詔定元年明月上飲宴過度史彌達臥病故時人譏之曰陰陽眼變理天地醉經綸 經濟類編董重臣逢迎上意宮中進倡優飽備諸戲以奉帝爲娛樂 糖霜譜跋晦叔作糖霜譜余聞之日久偶獲七篇盡讀於大慈之方丈院紹興二十四年臥

雲卷守
元書

龍檐歸甯爾簿齊賜筵意思繡釘梨同時眷屬皆恩賚
生色文羅翡翠篔

武林舊事后出宮至祥曦殿上升龍檐出和甯門至皇后家賜筵皇后
繡高釘十椽果子意思十件又皇后散付本府親屬宅眷翠冠翠扇翠
篔環刺繡領生色
羅金銀錢金盆蓋

婕妤寺水注方塘高揭銀鉤寫鳳凰鳳羞殺易書供斧劈
松門仍榜狀元郎

四朝聞見錄方家峪有劉婕妤好寺泉自鳳山而下注為方池上揭鳳凰
泉三字乃于湖張紫微孝祥所書夏執中為后兄呼為夏國舅至寺中
謂于湖書未工遂自書三字易之孝宗幸寺中
不復他語但認左右以斧劈為新止用孝祥書

三千玉貌各含愁羅帶相攜赴碧流明月夜寒彈怨語
琵琶聲咽故宮秋

南宋雜事詩卷七

辛

宋元通鑑元入索宮女內侍及諸樂官宮女赴水死者以百數 水雲
集一旬吳山在眼中樓臺疊疊問青紅錦帆後夜烟江上手抱琵琶億
故宮

亂墳誰與一盃羹深羨花宮有世情至竟餘杭門外路
居人不識薤歌聲

成化杭州府志慈忠資福普向寺南渡初殿師楊存中請建於北山鮑
家田青芝塢專充殿司諸軍座所置僧以守香火 文獻通考諸寺院
之多產者類諸求貴臣改為真院冀免科敷詔戶部申嚴行下 成
化杭州府志杭城舊有十三門惟餘杭門在北不得出居人之恃

內教場開練虎賁雕戈千騎曉雲屯將臺金鼓黃旗動
勅賜將軍射鐵盆

玉海乾道二年十一月幸白石大閱 三年三月宣殿前選鋒等軍馬
軍九百騎入內教場射鐵盆鐵簾 四年十月幸翠羅閣前一日於
教場東列幕宿營皇帝登臺舉黃旗諸軍呼拜者三舉白旗變方陣為
備敵之形舉黃旗變圓陣為自禦內因之形舉赤旗變鏡陣諸軍魚貫
斜列為衝敵之形舉青旗變直陣上親綱
甲尚指授方略六師歡呼變賞有加焉

錦標爭過一清堂畫鼓敲殘亂夕陽更有戈船迎弄處
十分打扮是錢唐

武林舊事玉蓮堂原名一清堂競渡爭標於此 都城紀勝西湖春仲
浙江秋仲皆有龍舟爭標輕捷可觀有金明之遺風 隨隱漫錄余少
觀金明池水戰爲之目動心駭比見錢唐水軍戈船飛虎迎弄江濤出
汲聚散如神以視金明池如兒戲耳 在軒集競渡權歌建雲旂建雲
旂土風到處總相猶朝了舊
山朝岳帝十分打扮是杭州

上苑鶯花赴試春南宮佳兆遇魁神東風不解相思句
愁煞紅簾粉淚人

睽車志錫山許宗美以壽皇登極恩赴省詣太乙宮禱焉禱已周行廊
廡間才學足見二神位云河魁在魁宗美甚喜泊南宮揭榜何自然爲
省元而宗美以詩賦魁前場滿符二魁之姓名云 林下詞選易成彥
章長沙人甯宗朝狀元以優校爲前郎久不歸其妻作長相思詞寄之
云朝有時暮有時潮水猶知日雨回人生長別離
來有時去有時燕子猶知社後歸君行無盡期

臨軒安用捉刀爲對使偏輪聰慧時一闋清詞新譜出

南宋雜事詩卷七

三

杏花春雨有誰知

癸辛雜識甯宗不慧而溺於言每北使入見陰以宦者代答 詞筌宋
甯宗浣溪紗看杏花詞花似睡容上玉肌方論時事却嬾妃方陰人醉
漏聲遲珠箔半鈎風乍暖雕梁
新語燕初飛斜陽猶送水橋唇

朝衫香褪獨徘徊睡思初濃水閣開怪得無人理紈扇
綠陰猶自摘青梅

昨非菴日纂趙葵嘗遊暑水亭作詩云水亭四面朱闌繞蒹葭游魚戲
萍藻六龍畏熱不敢行海水煎徹蓬萊島身眠七尺白帔鬚頭梳一枚
紅瑪瑙六句已成葵遂睡去有侍婢續云公子猶嫌扇力微行人多在
紅塵道 古今女史趙葵同知樞密院朝罷歸私第而諸姬不見葵往
訪之乃羣聚摘青梅有一姬善詩賦葵責令賦詩云柝聲歇報
巫春同滿院春風繡戶開怪得無人理絲竹綠陰深處摘青梅

倚翠偎紅作大師畫舫天外送歌兒含情無限闌干曲
惆悵參橫月落時

談藪樓叔紹嬪初入太學與同窗友厚善休日乃相率出城買小舟沿
葦行際十里舍舟陟小坡行道微高下又二里得精舍門徑絕卑小而

松竹花草楚楚然友款於門卽有小童應客主人繼出乃少年僧姿狀
秀美進趨安詳殊有富貴家氣象掛客曰久別甚思款接都不見過何
也便起推西邊小戶人華屋三間窗几如拭玩具皆珍奇喚侍童進點
心素膳三品甘芳情好歡器命推窗平湖發前數十百頃其外連山橫
陳樓觀森列夕陽返照丹碧紫翠互相映發漁歌麥唱隱隱在耳聯聲
久之僧以塵尾敲闌干數聲俄有小書舫倚漁而來二美人徑出登岸
靚粧麗質王公家不過也僧命其酌指福間觴豆羅陳窮極水陸左右
執事童皆敷好杯行美人更起歌舞僧與友謔浪調笑歡意無間樓神
思尙恍正容危坐噤不敢吐一語何僧豐起挈友臂扣所以友出曰子
但飲食縱觀何用知如壁外卽僧榻試穴隙窺則復攢二姬就寢曰官
甚大射樓獨徬徨不寐起如廁一童執燭密詢之此爲何地童笑曰官
人是親戚何須問樓反室展轉通宵時側耳聽聲世間鼻息納納而已
將曉僧送之門鄭重而別由他徑絕湖而歸樓榻惘累日疑到非人間
其後出處參商
竟不克再諧

鴛鴦打散合蟬陳今古詞章集混成一段霓裳一歌曲 愛他三十六番新

癸辛雜識故都德壽宮舞譜其中皆新製曲多妃嬪諸閣所進內有左
右垂手雙拂合蟬舞頭舞尾打鴛鴦場等曲皆前所未聞亦可想見承

南宋雜事詩卷七

三

平和樂之盛也 齊東野語混成集修內司所刊古今詞歌之譜靡不
備其霓裳一曲共三十六段太后合內人歌之凡用三十人每番十人
奏音極
高妙

遺像猶思墜紫雲皇亭空見伯顏軍一從南北飄零後 還有梅邊生祭文

水東日記文山像上有大傳錢唐于公謙題云烏乎文山遭宋之季狗
國忘身舍生取義氣吞震宇誠感天地陵谷變遷世殊事異坐臥小閣
全南向再拜含笑九泉孤忠大節萬古攸傳我瞻遺像清風凜然于公
每懸此像於座側數十年如一日也 夢占類考文天祥大父夢一兒
乘紫雲而下已而復上行生天祥名雲孫字天祥後以字行履善及
廷試第一理宗見其名曰天之祥乃宋之瑞也字之曰宋瑞 噴噴集
文山詩註伯顏至皇亭山除榻密使右丞相奉旨詣北軍講解見伯
顏陳大誼留營中不遣 文山全集空坑之敗夫人與佛生柳小娘環
小娘顏孺人黃孺人皆爲俘至元帥所已失佛生必有愛其俊秀羨爲
已子矣 吳文正公集政文丞相與妹書一代三百年有此臣一家數
十口有此女臣不二君女不二夫臣盡節而死女全節自生不愧於天
不作於人可傳千萬世卓哉曼卿出其門蔽此帖甚珍之噫誠可珍也
觀此爲之流涕 書系天祥過南安遣人告臺以弟壁之子陞爲編又

寄弟詩曰親喪君自盡猶于自吾兒 宋遺民錄宋太學生盧陵王鼎翁作生祭文丞相文應陳其可死之義又反復古今所以死節之道激昂奮發累千五百餘言錄數十本驛途山店俱貼之大義在連文丞相死國然丞相從容就死固不係鼎翁之文而鼎翁之志可悲矣鼎翁名炎午號梅邊所著有吾汶稟

桑海英風不可攀南朝寂歷舊江山惟餘幾輩才人在詩卷長留天地間

淵穎集吳萊桑海遺錄序云淮陰翼閉聖子撰文宋瑞陸秀夫二傳叙其前後死節精忠激烈誠有在於天地而不在今古者予故私列二傳以發其端詢之故老徵之雜記題曰桑海遺錄以待太史之采擇焉天地間集謝翱所編其詩為家鉉翁文天祥文及翁謝枋楊鄭協柴望徐直方何新之王仲素謝鏞陸獻可天定王曼之范協吳子文韓口林月泉險社潛齋吳渭清翁集謂以故宋義烏令入元不仕居吳溪延致方都父謝皐羽吳子孟作月泉吟社四方吟士從之以田園雜興命題凡得二千七百三十五卷三子為其評校選中二百八十名甲乙其名次出一榜各有賞給今列其詩者僅六十名題名多隱號固有重名馮澄也第三高字杭州梁相也第四仙邨人註古杭白雲社第五山南

南宋雜事詩卷七

重

隱逸義烏劉應龜也第六子進分水魏新之也第七栗里金華楊本然也第八倪梓義烏陳義道也第九全泉翁孤山社全璧也第十呂淡翁東陽呂文老也第十一方賞桐江方德麟也第十二鄧草逕三山劉汝鈞也第十三魏子大註武林九友會第十四喻似之分水何鳴鳳也第十五躡雲建德梓州翁合老仲嘉也第十六玉華吟客分水林子明也第十七田起東崑山劉蒙正也第十八唐楚友孤山社白范也第十九識字耕夫武林社溧州周曠也第二十山古翁桐江趙必班也第二十一社翁釣臺姚潼翔也第二十二騎牛翁第三學高第廿三天目山人義烏吳瑀也第二十四安定書隱義烏胡南也第二十五槐窗居士浦陽黃景昌也第二十六姜仲澤金華姜柔也第二十七陳柔著武林社陳必曾也第二十八方向老桐江方子靜也第二十九朱孟翁東陽人也第三十愛雲仙杭白雲社趙必折也第三十一陳希邵義烏陳舜道也第三十二劉時可雙溪人也第三十三岳重武林九友會僧了慧也第三十四雲東老吟義烏許元發也第三十五避世翁義烏洪貴叔也第三十六觀我金華楊湯舉也第三十七即本然之字第卅七徐端甫義烏人也第三十八韞潭釋老金華人也第三十九雉逸山人洞江李萼也第四十柳眉月泉陳君用也第四十一臨泉僧志甯杭人蔡潭也第四十二吟古杭仇得金華人也第四十三東湖散人註古杭人潭也第四十四仇近村古杭仇得金華人也第四十五清建德王進之也第四十六陳鶴臯註即月泉社陳君用第四十七令人也即上冷清第五十元長卿義烏陳希聲也第五十一聞人伯仲即陳希聲第五十二蘇東老註月泉社人第五十三子直註卽魏新之第

五十四襲慶菖水陳文增也第五十九山人註寓杭第五十六桑柘
區金華人也第五十七柳州桂月泉社人第五十八草堂後人杭人也
第五十九君瑞桐江人也第六十青山白雲人杭人也已上詩皆全後
又列摘句有無機老農子問田農夫唐人機軸忘廢老人五雲山人老
農劉存存石姥寄客雙湖雲水白雲人傅宜山自家意思柳蒼俞如山
跨驢者山野人盤隱末子扶杖大廷雲翁自適郭建德駭而省陳帝臣
晚靜竹簞笠翁俞壑處藍田道人林泉生傅九箇才人其間或有名或
無名大抵皆宋末遺老也舊有黃顛序明正德中田汝籽重序刊行
谷音清江社本伯原輯還東王澹洛陽程自修瑯琊再秀河東元吉曲
阜孟顛廣漢安如山成都王翥襄陽師嚴廣陵張琰漢陽汪涯楚安詹
本四明皇甫明子長沙丁開括蒼鮑輓京口崔珍姑孰魚潛瑞陽柯芝
柯茂謙廣陵邵定豫章熊與鯨宜春晏七大庾孫璉臨江楊應登楊雲
盱江曾澈又允名氏番陽布衣瀟湘漁父閩清野人羅浮狂客凡二十
五人無名氏四人詩一百首蜀郡張架跋云皆宋亡元初之節士多幽
人清詠之辭題曰谷首者山谷之首野史之類也宋遺民錄程敏政
編自序云宋末王鼎翁謝山羽唐玉潛三子其名不載於宋史因輯其
遺文以備史事并附錄張毅甫方輅卿吳子善龔聖予汪大有梁隆吉
鄭所南林景贖諸人之作而係庚申君事實於後凡十五卷樂府補
題集中倡和作者爲王聖與周公謹王理得馮祥父唐英發呂和甫李
商隱練行之唐玉潛趙正卿李師呂張叔夏仇仁近凡十三人又無名
氏二人共詞三十七首合爲一卷陳維崧四六序云嗟乎此皆趙宋遺
民之作也粵自雲迷五國橋識啼鵬潮歇三江營荒夾馬壽皇去已

南宋雜事詩卷七

言

無南內之笙簫賈相難歸不
見西湖之燈火文不備錄

